

四庫全書

史部


欽定四庫全書

史部

欽定大清一統志卷四百十六至

內閣中書臣李彤覆勘

總校官檢討臣何思鈞



西藏圖



江寧馬縣阿林

雅雜達
巴樓

鉢阿爾噶

阿江
林墨

必耶
拉維

拉塔公野

模鄢里桑

林斯阿

达州 达州



1

24

7

۱۰۰
 ۱۰۰

欽定四庫全書

西藏表

兩漢

三國魏

晉

北魏

隋

唐

五代宋

遼

金

元

明

藏

西藏地

發見地

吐蕃地

吐蕃地

志宗於河

烏斯藏地

州置吐蕃

宣慰司都

元帥府又

於四州敬

外置驛門

等處宣撫

司世祖置

烏斯藏

欽定四庫全書

欽定大清一統志卷四百十三

西藏

在四川雲南徼外東西六千四百餘里南北六千五百餘里東至四川界東南至雲南界西至

西域回部大沙海界北至青海及回部界其貢道由西寧以達於京師

建置沿革古西南徼外諸羌戎地兩漢魏晉種落無

聞自吐蕃始祖鶻提勃窣野本發羌屬居析支水

西并諸羌據其地歷後周及隋猶未通中國唐貞

觀八年有吐蕃弄贊者始遣使者來朝十五年妻

以宗女文成公主既而滅吐谷渾盡臣羊同党項
諸羌幅員萬餘里唐末衰弱宋時亦號吐蕃朝貢
不絕元憲宗始於河州置吐蕃宣慰司都元帥府

又於四川徼外置碉門魚通黎雅長河西寧等處

宣撫司世祖時復置烏斯藏

烏斯藏舊作烏思藏今改正

郡縣

其地以吐蕃僧帕克思巴

帕克思巴舊作八思巴今改正

為大寶

法王帝師領之嗣者數世弟子號司空司徒國公
佩金玉印明洪武六年以攝帝師納木嘉勒藏博

納木嘉勒藏博舊作
喃加巴藏卜今改正

為熾盛佛寶國師給玉印置

烏斯藏朶甘二指揮司及宣慰司招討司萬戶府

千戶所以元國公納木喀斯丹拜嘉勒藏

納木喀
斯丹拜

嘉勒藏舊作南哥思
丹八亦監藏今改正

等領之永樂中復封番僧為

大寶法王大乘法王大慈法王闡教王闡化王輔

教王贊善王護教王凡八王並給印誥比歲或間

歲朝貢宣德成化間又累加封號其他有僧號達

賴喇嘛居拉薩之布達拉廟號為前藏有班禪喇

嘛居日喀則成之扎什倫布廟號為後藏番俗崇奉又在諸番王之上

本朝崇德七年即遣使歸誠至順治九年來朝

世祖章皇帝賜以金冊金印授為西天大善自在佛領天

下釋教普通瓦赤喇怛喇達賴喇嘛其後遣使貢

獻不絕其俗稱國曰圖伯特又曰唐古特最尊者

曰達賴喇嘛班禪額爾德尼代喇嘛理事者曰第

巴又有汗則蒙古部長為之

其俗相傳有宗喀巴者居喇薩始興黃帽

之教後世曰根教佳木左立第巴以治國事索諾
木佳木左始稱達賴喇嘛又傳雲旦佳木左阿旺
羅卜藏佳木左時藏之藏巴汗威靈部下毀素佛
教第巴乞師於額魯特額實汗擊滅藏巴汗遂留
其長子達賴為汗及
孫拉藏亦為汗云

康熙三十二年封第巴為土

伯特國王賜金印時達賴喇嘛示寂第巴匿不以
聞潛與額魯特噶爾丹相為表裏及召喇嘛班禪
庫圖克圖來京第巴又阻之不至四十四年達賴
汗拉藏誅第巴以聞

聖祖嘉之賜金冊印封為輔教恭順汗遣侍郎赫壽等安

撫其地又允拉藏所請封阿王伊西為達賴喇嘛
其後準噶爾策妄阿喇蒲坦興師侵藏害拉藏汗
焚毀寺廟追逐僧衆時達賴喇嘛移住西寧塔兒
寺五十三年遣大兵進藏討平之復護送喇嘛歸
布達拉廟掌興法教番衆皆向風附化

康熙六十年

聖

祖仁皇帝御製平定西域碑文曰昔者
宋文皇帝之崇德七年班禪額爾德尼達賴喇嘛固始

汗稠東土有

聖人出特遣使自人跡不至之區經普敵之國閱數年
達盛京至今八十載同行善事俱為施主頗極安寧後
達賴喇嘛之歿第巴隱匿不奏者十有六年任意妄行

拉藏滅之復興其法因而允從拉藏告告腦兒羣衆公
同之請中間策妄阿喇蒲坦妄生事端動準噶爾之衆
肆行奸詐滅壞達賴喇嘛並廢第五輩達賴之塔辱
班禪毀壞寺廟殺戮喇嘛名為興法而實滅之且欲竊
據國伯特國朕以其所為非法爰命皇子為大將軍王
又遣朕子孫等調發滿洲蒙古綠旗兵各數萬歷烟瘴
之地士馬安然而至賊衆三次乘夜盜營我兵奮勇擊
殺賊皆喪胆達遁一矢不發平定西藏振興法教賜今
呼必爾罕冊印封為第六輩達賴喇嘛安置禪榻撫綏
國伯特僧俗人衆各復生業于是文武臣工咸謂王師
西討厯瘴癘險遠之區曾未半載輒建殊勲實從古所
未有而諸蒙古部落及國伯特酋長亦合詞奏曰皇帝
勇畧神武超越往代天兵所臨邪魔掃蕩復興蒙古向
所尊奉法教喀木藏衛等部人衆咸得拔離湯火樂土
安居如此威德大業非臣下頌揚所能宣聲請賜御製
碑文鐫勒拓地以垂永久爰紀斯文立石西藏俾中外

知達賴喇嘛等三朝恭順之誠諸部落累世崇奉夫
教之意朕之此舉所以除逆撫順綏衆興教云爾

世宗憲皇帝嗣位撤回官兵以貝子康濟鼐總理其地仍
特簡大臣駐藏管轄雍正五年西藏噶隆阿爾布巴等叛

殺康濟鼐後藏辦理噶隆事務之扎薩克台吉頗
羅鼐走避以聞遣兵進勦明年頗羅鼐率衆部落
入藏阿爾布巴等伏誅安輯如故封頗羅鼐為固
山貝子九年晉封多羅貝勒辦理衛藏噶隆事務
乾隆四年晉封多羅郡王給印轄衛藏等處十二

年以其次子珠爾默特納穆扎爾襲封十五年以

罪誅現設有輔國公四員

噶什巴納木嘉勒色卜騰原封頭等台吉雍正

九年以伊父噶什羅子阿里地方陣亡追封頭等台吉以噶什巴納木嘉勒色卜騰承襲又以總理

藏務貝子康濟羅為伊兄之子康濟羅效績奮勉乏嗣同加封噶什巴納木嘉勒色卜騰為輔國公

乾隆四十五年弟班第達承襲珠爾瑪特策卜丹貝勒頗羅鼎之長子雍正八年以功授頭等台

吉九年封輔國公乾隆十六年子珠爾瑪特旺嘉納襲四十年子諾爾布益楚克襲索諾木達

爾嘉前達賴喇嘛之父雍正七年封輔國公乾隆九年子恭格丹怎襲三十八年子扎錫納爾嘉勒

襲索納木扎什西番人現達賴喇嘛之兄哲卜尊丹巴胡土克圖之神識所生乾隆四十六年以

現達賴喇嘛之父已辭世因封索納木扎什為一等輔國公四十七年子喇卜丹納木嘉勒襲

台吉二員

諾延和碩齊係貝勒頗羅鼐之弟雍正九年以功授頭等台吉旋歿弟色唇哈

什哈襲乾隆五年弟齊旺多爾濟襲十年兄之子旺堆襲三十一年子索納木喇什襲 策凌旺嘉勒西番人雍正九年以功授頭等台吉乾隆二十八年孫索納木旺嘉勒襲 四十四年

班禪額爾德尼來朝

欽賜玉寶玉冊及珠幣等物示寂於京邸並

賜金塔護送回藏其地有四曰衛曰藏曰喀木曰阿里共轄城六十餘一切賦稅俱獻之達賴喇嘛等其

進貢二年一次貢道由西寧入其互市在四川西

徽打箭爐之地

衛

在四川打箭爐西北三千餘里即烏斯藏也番字烏加斯字切音作衛蓋彼時尚有微藏西番字者

而不知切音之為衛也居諸藏之中故亦名中藏藏東自木魯烏齊西岸西海部落界西至噶木巴拉嶺藏界一千五百三十三里南自鄂木拉剛冲嶺北至牙爾佳藏布河二千二百餘里藏南五百

餘里東自噶木巴嶺衛界西至麻爾岳木嶺阿里界一千八百八十二里南自帕里宗城之畢木拉嶺北至者巴部落之北打魯克喀木在衛東南八百三十

雨水撮池一千三百餘里

喀木

在衛東南八百三十

之北東自鴉龍江西岸西至努卜公拉嶺衛界一千四百里南自噶克拉岡里山北至木魯烏蘇南岸一

千七百里東南自雲南塔城關西北至索克宗城西
海部落界一千八百五十里東北自西海部落界阿克
多穆拉山西南至塞勒阿里東自藏界麻爾岳木嶺
麻岡里山一千五百里西至巴第和木布嶺二
千一百餘里南自匝木薩喇嶺北至烏巴
拉嶺一千三百餘里此西藏之西邊鄙也衛地諸城

首曰喇薩在四川打箭爐西北三千四百八十里本
無城有大廟土人共傳唐文成公主所建今建賴喇
嘛居此有五千餘戶所居多二三層樓遇有事即保
守此地其餘凡有官舍民居之處于山上造樓居依
山為塹即謂之城曰得秦城在喇薩東南三十八里
奈布東城在喇薩東南二百二十里桑里城在喇薩
東南二百五十一里垂佳普郎城在喇薩東南二百
六十里野而古城在喇薩東南三百十里達克匝城
在喇薩東南三百三十七里則庫城在喇薩東南三
百四十里滿撒納城在喇薩東南四百四十里拉巴

隨城在喇薩東南四百四十里札木達城在喇薩東南五百四十四里達喇馬宗城在喇薩東南五百六十里古魯木納吉牙城在喇薩東南六百二十里碩噶城在喇薩東南六百四十里朱木宗城在喇薩東南七百五十里東順城在喇薩東南七百七十里則布拉剛城在喇薩東南八百七十里納城在喇薩東南九百六十里吉尼城在喇薩東南九百八十里日噶牛城在喇薩西南三十里楚舒爾城在喇薩西南一百一十五里日喀爾公喀爾城在喇薩西南一百四十里有番民二萬餘家為街地最大之城岳吉牙來雅城在喇薩西南三百三十里多宗城在喇薩西南四百二十里僧格宗城在喇薩西南四百三十里董郭爾城在喇薩西二十五里地巴達克西城在喇薩東北九十二里倫朱卜宗城在喇薩東北一百二十里墨魯恭噶城在喇薩東北一百五十里蓬多城在喇薩東北

一百七十里已上凡三十城量地大小人之多寡各設宗布木一二人管理民事凡五戶出一兵每馬兵二十五名步兵二十五名設一丁布木轄之其兵多之地丁布木一城有至數十人者凡人馬糗糧器械皆按戶均派有用時傳集事畢仍為民又衛地東北與青海諸部接界處哈喇烏蘇設一堪布喇嘛木魯烏蘇設一蒙古寨桑以供應往來使者馬匹鄉導及文移郵遞之所藏地諸

城首曰日喀則城在喇薩西南五百三十三里其先藏巴汗居此今屬班禪喇嘛戶二萬三千餘兵五千三百餘其餘曰林奔城在日喀則城東一百九十一里納噶拉則城在日喀則城東二百五十里拜的城在日喀則城東三百三十二里拜納木城在日喀則城東南七十里李陽則城在日喀則城東南一百二十里戶三萬餘兵七千五百餘烏雨克靈喀城在日喀則城東南三百七十里丁

吉牙城在日喀則城西南四百十里羅西噶爾城
在日喀則城西南五百四十里帕爾宗城在日喀
則城西南六百四十里盆蘇克靈城在日喀則城
西南七百二十三里濟隆城在日喀則在西南七
百四十里阿里宗城在日喀則城西南七百六十
里尼牙拉木宗城在日喀則城西南七百八十里
尚納木林城在日喀則城西北一百十里章拉則
城在日喀則城西北八百里章阿布林城在日
喀則城西北九百七十里已上凡十七城惟日
喀則季陽則二城最大其俗制與衛畧同 喀木
諸城首曰巴塘城在喇薩東南二千五百里又節
達穆城在巴塘城東南五百八十里其地舊
名中甸桑阿充宗城在巴塘城西南六百里而坐
里岡城在巴塘城西北三百五十里薄城在巴塘
城西北六百里蘇爾莽城在巴塘城西北八百里
羅隆宗城在巴塘城西北八百五十里解凍城在

巴塘城西北九百五十里舒班多城在巴塘城西
北一千一百五十五里達爾宗城索克宗城俱在
巴塘城西北一千二百二十里滾卓克宗城在巴
塘城北二百八十里裏塘城在巴塘城東北三百
里本朝康熙五十年以巴塘裏塘
隸四川中甸隸雲南並設官兵駐防阿里諸城
木達克喇城在布拉木之地距喇薩西南二千五
百餘里其所屬有喀爾多木日底二城又古格札
什魯木布則城在喇薩西南二千四百九十餘里
其所屬有冲龍則布龍楚木爾的三城拉達克城
在喇薩西南三千七百五十餘里其所屬有札石
剛丁木剛喀式三城畢底城在喇薩西南三千八
百餘里魯多克城在喇薩西北二千九百三十餘
里已上諸城每戶出兵一名但設宗布木無丁布
木官附屬部落噶克卜部落在喇薩東南八百四十
里街喀木邊界之間與羅克卜札團

接界其相近有恭布部落番夷三千餘戶每歲進馬二匹于達賴喇嘛薩噶部落在日喀則城西南八百三里其西四百二十里有卓書特部落乃藏之西界阿里之東界者巴部落在日喀則城西四百二十里已上三部落皆設喇嘛一人頭目一人以統之羅部落在日喀則城西南一千一百十里噶爾道營在喇薩西北二千五百餘里達克喇古格諸城及者巴部落各遣兵一百設蒙古土番頭目各一名防禦于此乃阿里之北界也其在喀木西北界者有拉他部落舒布倫巴部落格爾濟部落塞爾西納爾噶魯部落瓦舒部落或屬西海台吉亦附達賴喇嘛

風俗有城郭廬舍不肯處聯毳帳以居衣率氊韋以赭塗面酪食漿飲章飾上瑟瑟吏治無文字喜浮

屠法習咒詛

唐書吐蕃傳

地廣而險遠民獷而好鬥

元史

釋老傳

按今西藏達賴喇嘛班禪額爾德尼等俱仰慕

聖化

誠心歸順每歲遣使進貢所貢物有金佛銅佛珊瑚琥珀數珠遶遶諸香刀劍之屬約束番夷不敢

為寇有事必請

肯而

後行其官之貴者曰噶隆六人總理國事代布木

六人總理兵丁謝爾布木二人總理刑名常左忒
巴二人總理財庫各城分設之官治民者曰宗布

木領兵者曰丁布木其下喇嘛多平人少男少女
多番民居平地者結屋山巔耕田而食處高寒者

用黑氍為帷帳遊牧為業其服飾噶隆諸官綰髮
戴白帽右耳垂寶石以遶褐為袍外加紅罽長衫

賤者不戴白帽不加外衫為別婦人髮垂兩旁冬
戴黃絨帽夏戴斗笠以木為之蒙以赤皮滿綴珍

珠其上老者不用珠嵌一寶石衣小袖短衣裙而無袴婦人每以乳酥和錫塗于面男女微有疾病即塗酥油遍身曝日下平日飲酪食麩宴賓客始飲青趺麥酒食牛羊生肉男女四五人攜手踏歌貿易皆婦人為之市物用大小銀錢或兄弟數人合娶一妻其刑罰甚酷有各種死罪人死誦經懺悔畢則以其尸飼鳥獸俗最重佛以喇嘛為貴喇喇中又以黃帽為貴紅帽為賤性多貪頗畏法度

山川岡底斯山

在阿里之達克喇城東北百十里直陝西西寧府西南五千五百九十

餘里其山高五百五十餘丈周一百四十餘里四面峰巒陡絕高出乎衆山者百餘丈積雪如懸崖皓然潔白頂上百泉流注至山麓即伏流地下前後環繞諸山皆巉岩峭峻奇峯拱列按其地勢由西南徼外以漸而高至此而極山脈蜿蜒分幹向西北者為僧格喀巴布岡里木孫諸山繞阿里而

北二千五百餘里入西域之和闐南山及蔥嶺諸山向東北者為北布列斜而克角烏爾克年前唐拉薩木坦岡西諾莫渾烏巴什巴顏哈喇諸山環衛地竟青海連延而下六千餘里至陝西西寧等處邊界向西南者為閩那克尼兒薩木秦岡諸山亘阿里之南二千餘里入厄訥特克國向東南者為達木楚克喀巴布岡噶爾沙彌努金岡花諸山歷藏衛達喀木七千餘里至雲南四川之境本朝康熙五十六年遣喇嘛楚兒沁藏布蘭木占巴理藩院主事勝住等繪畫西海西藏輿圖測量地形以此處為天下之脊衆山之脈皆由此起云按水經注阿耨達山西南有水名遙奴山西南小山俱入恒水原泰扶南傳曰恒水之源乃極西北出崑崙山中有五大源枝危黎大江出山西北流東南注大海枝危黎即恒水也今阿里為藏中極

聖祖威

西南地近古天竺境此山西出狼楚拉楚麻楚三
大水皆西流轉東而南合為岡噶江入南海疑此
即阿耨達山也自佛書言阿耨達山而釋氏西域
記鄺道元水經注蕭德言括地志咸謂阿耨達即
崑崙然以地遠莫考轉相附會荒怪不經我

德廣被薄海內外罔不臣服西南徼外窮荒不毛
之土盡隸版圖使臣測量地形踰河源涉萬里如
履階閭一山一水悉入國志四十九年

諭大學士

九卿曰梵書言四大水出于阿耨達山下有阿耨

達池以今考之意即岡底斯是唐古特言岡底斯者猶言
衆山水之根與釋典之言相合

聖言哩哩始知字內衆山水皆導源于岡底斯山自是而

載籍所傳或有或無皆

可按圖以辨銜缺咸已僧格喀巴布山

在古格札
什魯木布

則城東北三百六十里近岡底斯山北號岡底斯
相近四大山之一土人以其形如獅子故名拉楚

河源出此山之南其西北斜趨接于和闐之祖

遮達

尼蟒依山及蔥嶺諸山為西域諸山之祖

布里山 在古格札什魯木布則城東北二百四十里與僧格喀巴布山相接亦阿里之大雪

也岡里木孫山

在魯多克城西北三百八十里山甚高險自遮達布山綿亘而北

至此為阿里之北界其西即喀齊國

狼千喀巴布山 在達克喇城東北二百五十里

即岡底斯山南幹所始也為岡底斯相近四大山之一土人以其形似象故名狼楚河發源於此

悶那克尼兒山

在達克喇城東北二百五十里與狼千喀巴布山相連山亦高大臨

馬品末達

喇池西岸馬布加喀巴布山

在達克喇城西北一百四十里山脈自悶

那克尼兒山來為岡底斯相近四大山之一土人以其形似孔雀故名麻楚河發源此山之南自此

西向亘狼楚河之南二千餘里
盡于拉楚狼楚兩河交會之處
薩木泰岡山

在畢底城

西南二百二十里山脈自東北問那克尼兒山綿
亘二十餘里至此為阿里之西南界已上諸山皆

在阿達木楚喀喀巴布山
在卓書特部落西南三百四十里近問那克尼

兒山東南為岡底斯相近四大山之一土人以其
形似馬故名雅魯藏布江發源此山之東為藏之

西南
枯本岡前山
在卓書特部落西南二百五十里與達木楚克喀巴布山相連

山亦高大
雪峯疊聳
巴爾中岡前山
在卓書特部落西南二百三十里山脈自西北

枯本岡前山迤邐而來
一大雪峯亭然獨立
凡木蘇木岡古木山
在卓書特

部落南二百二十
里上有二峯並立
札布列佳爾布達克那山
近岡底斯

山東北高大
次于岡底斯

上古牙拉克馬拉克山

在卓書特部
落西北二百

八十里與札布列山相連又東南有沙夾爾尼夾
爾山沙夾山之東南有隆夾爾隆馬爾山皆連屬

之大雪
山也

揭木拉舒爾木山

在薩噶西北
一百九十里斜爾冲山

在薩噶西北一百十里上有一
峯高聳百里外望之如挿霄漢

角烏爾冲山

在薩
噶東

北三十八里其
山最為高險

草索克博山

在尚納木林城
西北九十里

郎布

山在藏之北界近
郎布池北岸

達爾古山

在藏之北界郎布山
東山長百里餘上有

七大峯
巖特立

岡噶爾沙彌山

在阿里宗城東南七十
里勢極高大積雪其上

白石
皆白策林吉納山

在羅西噶爾城西南一百
九十里上有五峯高聳

舒爾

木藏拉山

在薩噶東南二百五十里山脈自岡噶爾沙彌諸山繞雅魯藏布江之南而來

甚高大朋出藏布河發源于此

朱木五馬山

在羅西噶爾城西努

金岡蒼山

在那噶爾則城南二百里山極高大多積雪自達木楚克喀巴布山至此皆在

藏地楚五里山

在日喀爾公喀爾城西三十里

公拉岡里山

在烏雨克靈喀

城東南九十里近牙母魯克池自西北弩金岡蒼山聯延至此山甚高大有積雪

牙拉尚

布山

在垂佳普郎城東南三十里大小雪峯參差聳峙

西里山

在東順城西南九十

里衛之南界山頂平敞有大小百餘池

達克卜悉立岡前山

在納城西南一

百八十里西北與西里山接

魯木前噶爾瓦噶爾布山

在吉尼城東南

一百三十里為街之東
獨龍岡里山 在董郭爾城
南界自此入喀木境 西北五十里

年前唐拉山 在達多城西北一百三十里近騰噶
里池東山甚高大積雪四時不消

薩木坦岡札山 在達多城東北
一百八十里 **公噶巴喀馬山** 在

刺烏蘇河
源之南岸 **尼庫里山** 在公噶巴喀山西南為
衛之東界喀木之西界 **都克**

立山 在則布拉山城東南二百四十里山勢自尼
庫里山向東南繞雅魯藏布江東岸而來大

石縱橫無路可行江
流亂石中惟聞水聲 **布喀山** 在喀喇烏蘇上流北
岸布喀譯言野牛山

高大狀如
野牛故名 **巴薩通拉木山** 在喇薩北八百餘里即
金沙江發源之山也山

勢高大狀如乳牛故名木魯烏蘇由山之東流出
入雲南界為金沙江山西流出之水名牙爾加藏

布河 按明統志金沙江源出吐蕃界犁石山名犁水犁石者亦以其形如犁牛也諾莫渾

烏巴什山

在喇薩東北八百九十里近布喀山東山之西南為怒江源山之西北近金沙

江源遠近大山連延不斷自此界而江而東南直抵雲南之界格爾吉匝噶那山

在諾莫渾烏巴什山東北三百餘里衛之東界喀木之西北界即瀾滄江發源之山也山甚高大

滇志謂瀾滄源出鹿石山即此薩音苦布渾山在匝噶洞布倫山

在薩音苦布渾山北蘇克布蘇克木山在瀾滄江源東金沙江南岸共有七山齊

齊爾喀納苦苦烏蘇七水發源于此郭章魯苦噶爾牙山在蘇克布蘇克木山

之南衛之東南界喀木之北界砣什達爾烏蘭達布遜山在巴薩通拉木

山西北四百餘里其北即回部塔里木河境山高
大石多赤色兩旁產紫色鹽客七烏蘭木倫河發

源于
錫津烏蘭拖羅海山 在烏蘭達布遜山東托
克托乃烏蘭木倫河發

源于此自此山綿亘而東繞木魯烏蘇之北千餘
里皆名巴顏喀喇山之陽即西海部落之界黃

河之重源也自楚五
里山至此皆在衛地 **東喇岡里山** 在舒班多城
南九十七里 **牧**

童山 在舒班多城
東北一百里 **畢拉克喇丹速克山** 在索克宗
城東南九

十
喇岡木克馬山 在索克宗城東
南一百四十里 **那克碩忒山** 在

克宗城西南一
百六十五里 **索克山** 在索克宗城東
北一十九里 **秦布麻爾**

查布馬素穆山 在索克宗城
東北九十里 **匝納克山** 在索克宗
城北一百

四十里 布穆禮山 在羅隆宗城東六十里 麻穆佳木岡里山 在羅

隆宗城西 家馬隆立山 在薄宗城西北一百五十里 達牙里山

在薄宗城西 塞喇馬岡里山 在薄宗城西南一百二十里 尼木

布春木布立岡里山 在薄宗城南七十里 察喇岡里山 在桑阿充

宗城東南 噶爾布岡里山 在桑阿充宗城東南二百三十里 公喇

岡里山 在桑阿充宗城西南二百三十五里 達木永隆山 在匝坐里岡城東南

六十里 多爾濟雨兒珠母山 在匝坐里岡城東北一百六十五里 卓摩

山 在滾卓克宗城西北四十五里 巴特馬郭出山 在節達木之東噶里宗城東北

三十里 巴爾丹寇柱山 在節達木城東南一百六十里 噶穆布鼐山

在裏塘城西南一百六十里 喇母立岡里山 在裏塘城西南一百八十里 郭

拉將噶爾鼎山 在裏塘城東北九十五里 阿母尼甘薩穆山 在

爾莽城西北三十里白東喇 鶴秦嶺 在木魯烏蘇岡里山至此皆在喀木地

西寧洮州諸處至藏衛者此為要路其相近有庫庫賽爾嶺哲林嶺班穆布拉嶺皆在木魯烏蘇南

其南又有 伊克諾莫渾烏巴西嶺 在河布倫嶺南洞布倫嶺

千四十餘里西距喇薩千里又 拜都嶺 在木魯烏南有巴漢諾莫渾烏巴西嶺

有噶爾占古义嶺近木魯烏蘇之源又南有阿布喇剛蘇穆嶺布木札西里嶺又西南踰哈喇烏蘇

有西勒國嶺 陽噶拉嶺 在達多城西北五十五里又城西北一百四十里有拉爾金嶺

城西南二十七里有查克拉嶺又踰此嶺至倫布宗城西南有郭拉嶺 拉中拉千嶺

在董郭爾城西南二十里噶爾招木倫江邊 噶穆巴拉嶺 在楚舒爾城西南三十五

里為衛之西界 桂冷嶺 在喇薩西北 郭噶拉嶺 在得界藏之東界 二百十里 泰城

東南八里 岡噶拉嶺 在墨魯恭噶城東 百爾根拉嶺 北一百二十里

在拉里廟東北一百二十里又廟西南一百七十二里有平達拉嶺廟東七十二里有努普公拉嶺

為衛之東界 巴拉嶺 在達克西城東 楚拉嶺 在札喀木之西界 北九十五里 水達

城北一色穆隆喇嶺 在朱木宗城東一百八十里 百六里 又明壁拉嶺在東順城西南

六十里馬木拉嶺在滿操納城西南一百五十里竹木拉嶺在多宗城南六十里以上四嶺皆

為衛之南界白鶴泰嶺至此皆在衛地龍前嶺在羅西噶爾城西

拉嶺布章阿布林城西一百六十里狼拉嶺在盆蘇克靈城西北六十里查拉

克浪萬嶺在藏之北境近鹽池芝麻拉嶺在帕里宗城西南二十里又布拉馬

蘇木嶺在濟隆城西南一百四十里沙盤嶺在阿里宗城西南二十里昂西嶺在卓書特部落西南

二百二十里已上麻爾岳木嶺在卓書特部落西四嶺為藏之南界

岡底斯山向南之支幹嶺南為藏之西界嶺北為阿里之東界自龍前嶺至此皆在藏地弩卜

公拉嶺在達爾宗城西北三百里為喀木衛地之交界沙魯拉嶺在索克宗城東

六十噶克岡里嶺

在桑阿克宗城東北三百里

疆固拉嶺

在蘇班多

城南一百五十里自努卜公拉嶺至此皆在喀木地

郎拉嶺

在達克城西東北三百四十里

即岡底斯北分之幹又城南一百四十餘里有佳拉嶺

察察嶺

在魯多克城東北四百五十

十里其相近有克爾野嶺又魯多克城西北三百里有拉布齊嶺拉達克城東南三百八十餘里有

努普拉嶺皆阿里北鄙之雪嶺也

巴第和木布嶺

在達達克城西南三百餘里為

阿里之西界

匝穆薩拉嶺

在札什魯木布則城西南七百餘里自郎拉嶺至此皆在

阿里地按西藏諸嶺皆番人往來所經之路多險阻少平坦其高處積雪甚深中多瘴癘又有蔥名塔爾頭草墩人馬踐之輒礙行者多忌之

匝噶里嘛尼圖崖

在裏塘城西北

四十里山皆黑石岡噶江源出岡底斯山山南馬
上有梵宇及佛像品木達賴池及郎噶池

自池西流出名狼楚河西流二百餘里折而北繞
古格扎什魯木布則城西仍轉南又西流一千五

百餘里至阿里西部桑納蘇木多之地會拉楚河
其水發源古格扎什魯木布則城東北三百六十

餘里僧格喀巴布山西流一千六百餘里轉南流
三百五十餘里入狼楚河狼楚河又轉南流二百

五十餘里經畢底城之西二百餘里折東流一千
七百餘里至那克拉蘇木多北鄙又與麻楚河會

其水發源達克喇城西北一百四十里麻布佳喀
巴布山南流四百餘里入狼楚河三水合而為一

始名岡噶江轉東南經馬木巴非木郎部雅魯藏
落至厄納特克圖入南海其下流不可考

布江源出藏之西界卓書特部落西北三百四十
餘里達木楚克喀巴布山會諸水東流二千

五百餘里從噶木巴拉嶺北入衛地至日喀爾公
喀爾城東北喀爾招木倫江自北來會合而為一
復東南流一千二百餘里經衛之南界過羅喀布
占國轉西南流入尼訥特克國會諸水注于南海
此水源流甚遠不入中國按唐書吐蕃贊普居
跋布川或邈安川地理志跋布川在邈安川西南
渡臧河乃至其地疑此即跋布川也滇人謂之大
金沙江張機黃貞元俱謂此真禹貢之黑水張機
曰大金沙江發源崑崙山西北吐蕃地即禹所導
黑水也雖與雲南小金沙江及瀾滄路江皆發源
吐蕃然大金沙江之源較三江最荒遠且其源于
三江源邈不相值其下流亦十倍小金沙江及瀾
滄二江之水按禹貢華陽黑水惟梁州黑水西河
惟雍州周文安輯疑錄云甘州志甘州之西十里
有黑水流入居延海肅州之西北有黑水東流逕
達莫窮所之是其源入雍州之西流入梁州之西

南也雲南志載金沙江出西番流至緬甸其廣五里徑趨南海得非黑水源出張掖流入南海者乎黃貞元曰大金沙江瀾滄三水雖皆入南海大小遠近迥不同瀾滄瀾四分之一大金沙十倍于瀾瀾瀾所出地名在鹿石山在雍望俱可窮源上源亦狹大金沙江上源相傳近大宛國自里麻茶山至孟養極北不聞有所往號赤髮野人境峭壁不可梯絕弱水不任舟楫土人亦遠見川外隱隱有人馬形殆似西羌之域也今姑畧其源惟自經流支流入海可見者言之水流至孟養陸阻地有二大水自西北來一名大居江或云大車江一名檳榔江二水至此合流又名大盈江今騰越人總甸內諸水亦曰大盈江殆竊侈其名也江流至此夷人方名為金沙江中產綠玉黃金鉤子金精石墨玉水晶間出白玉瀆江上下出琥珀滇人相傳名大金沙江若以別麗江北勝武定馬湖之小

金沙江耳自此南流經宜猛莫啾莫即至猛掌有一江西來入大金沙江又南下昔朴怕猛莫猛外經蠻莫有一江源自騰越大盈經鎮夷南甸千崖受展西茶山古湧諸水伏流南牙山麓出經蠻莫入大金沙江又經蠻法魯勒孟拱遮籠管屯大菖蒲山峽小菖蒲山峽課馬孟養怕奔山峽戶董鬼哭山戛撒昔年緬人攻孟養以船運餉到戛撒為孟養所販者此江也正統中蔣雄率兵追思機發為緬人所壓殺于江中亦此江也大約江自蠻莫以上山聲水陡正統中郭登自貢章順流不十日至緬甸者亦此江也下流經溫板有一江源自騰越龍川江經界尾高黎共山隴川猛乃猛密所部莫勒江至太公城江頭城入于金沙江下流又經猛吉準古溫板又名溫板江又名流沙河皆金沙江也猛戛馬噠喇至江頭江中有大山極秀聳山有大寺又有一江源自猛踰洗戛母南來入

大金沙江又經此即龍大馬革底馬撒蹄馬入南海其江至鹽莫以下地勢平行濶可十五餘里舊云五里者非也經南江益寬流益緩緬人善舟如涉平地至是江海之水猶為一色矣按以上二說所指大金沙江其上流即今雅魯藏布江也此水雖大但遠在西南荒徼外去禹貢雍梁二州之境甚遠謂為黑噶爾招木倫江在喇薩地自衛之蓮水其說難信噶爾招木倫江多城東北城百十里查里克圖發源名達穆河會諸小水西南流一百四十餘里轉東南流百里繞達多城而流與朱的克藏布河會朱的克藏布河源出衛之墨魯公噶城東北二百七十餘里朱的克池南流三百二十餘里與達穆河會于達多城南二水合而為一乃名噶爾招木倫江南流三十餘里折東流一百四十餘里轉西南流繞第巴達克匝城得秦城至喇薩之南又經董郭爾曰噶牛楚蘇拉日喀爾公喀

爾諸城流三百餘里與雅魯歲布江合按唐時吐蕃牙帳近臧河疑即此水舊唐書吐蕃傳閭懼廬川在邏安川南百里臧河之所流也唐書地理志渡臧河經佛堂至贊普牙帳其西南跋布海

潞江

在羅隆宗城東北六十里蒙古名喀喇烏蘇者名鄂宜爾楚源出街之喇薩北二百

八十里有澤名布喀廣四百五十餘里具水西北流百餘里入厄爾几根池池廣一百三十餘里又東北流五十餘里入衣達池池廣一百餘里從此池轉東南流一百五十餘里入喀喇池池廣一百二十餘里從南流出名喀喇烏蘇稍東北流四百五十餘里至索克宗城南百餘里出街地入喀木境名鄂爾宜楚轉東南二百餘里又稍東過羅隆宗城北流三百餘里折南流八百餘里經米喇隆地又二百餘里入怒夷界名怒江自怒夷界南流三百餘里入雲南麗江府界名潞江經野人界又

南經永昌界又潞江安撫司境流至緬甸入南海
明統志潞江舊名怒江源出雍望經潞江安撫司
之北蒙氏封為四潰之一按舊輿圖西者之西
大流沙之南湧出一澤名曰嘉湖南流為潞江以
今考之嘉湖即喀喇池也蒙古名黑為喀喇水為
烏蘇此水大于瀾滄葉榆而色深黑故名其上源
出于衛地之布哈大澤淵澄黝黑又多伏流以此
為禹貢之黑水則名稱猶舊較之指瀾滄葉榆為
黑水者猶為龍川江者名薄藏布河在薄宗城南
畧有依據也龍川江二里有二源一源發于薄宗
城東北三百餘里春多嶺名鴨龍河合六水西南
流一源發于薄宗城西北五百餘里東拉嶺名厄
楚河合十餘水東南流至薄宗城前二水合流名
薄藏布河西南流經噶克卜部落及羅克卜札所
屬之們布部落入雲南騰越州界為龍川江明統
志龍川江源出峨昌蠻地七藏甸旁高黎共山北

渡口有古藤索橋下流至太公城合大盈江雲南
通志其源有三一出明光山一出阿幸山一出南
香甸山三水合流名龍川
瀾滄江 在匝坐里岡城
江下流至虎踞關入緬 東一百里番名

拉楚河有二源一源發于匝坐里岡城西北一千
餘里格爾吉匝噶邪山名匝楚河一源發于匝坐
里岡城西北八百餘里巴刺克拉丹蘇克山名鄂
穆楚河俱東南流折而南至匝坐里岡城東北三
百餘里又木多廟前二水合流名拉楚河又南流
九百餘里至雲南塔城關西入雲南麗江府界為
瀾滄江又流經永昌順寧蒙化景東諸府歷阿瓦
國老撾地入交趾界注于南海 按後漢書顯宗
始通博南山度蘭倉水蘭倉之名始于此華陽國
志水經注皆不能考其源滇志瀾滄江源出吐蕃
嵯和歌旬之鹿石山一名鹿滄江亦曰浪滄江亦
作蘭滄水南入大理府雲龍州界其說得之蓋嵯

和歌向即今匝坐里岡城池也者名拉楚亦瀾滄
聲之轉也明人李元陽著黑水辨史秉信著岡脊
黑水辨俱以此為禹貢之黑水元陽云瀾滄江
江皆由吐蕃北來蓋與雅州相連水勢並洶湧皆
入南海然瀾江西南起緬中內外皆夷其于梁州
之境若不相屬惟瀾滄由西北向東南徘徊雲南
郡縣之間至交趾入海今水內皆為漢人水外皆
為夷緬則禹之所導于分別梁州界者惟瀾滄足
以當之元史至元二年大理勸農官張立道使交
趾並黑水跨雲南以至其國觀此則瀾滄江之為
黑水益彰彰明矣元陽之論雖詳今考瀾滄江
上流相近皆發源番地入南海燕瀾滄源近難界
雅州又絕無黑水之名不如瀾江之源遠而水深
黑也若以瀾江皆經夷地不屬梁州異于瀾滄之
綿歷雲南郡縣則禹貢之流沙三危在前代時豈
亦皆內地乎邈有郡縣之界兩漢以來已多變遷

豈可執今之輿地定禹貢之疆域乎且交趾自唐以前皆隸中國未聞言黑水經其地元史所謂黑水蓋亦後人強名

金沙江

古名麗水一名神川一名犁牛河今者名木魯

木可據以為證
烏蘇一名布賴楚河又名巴楚河源出衛之喇薩西北八百餘里有山形如牛番名巴薩通拉木山
揮言乳牛也水出山下名木魯烏蘇東北流九百餘里至那木唐龍山北轉東南流八百餘里入喀木境名布拉楚河又南流少西八百餘里至巴唐西六十里名巴楚河又轉東南流六百餘里至雲南麗江府界為金沙江自麗江府雪山之北折而東南經永北武定二府至四川會川衛西南入四川界與打冲河合折東北經東川府西馬湖府南至叙州府與川江合自發源處至入內地流四千餘里受大水數十小水無數水深流急沿江烟瘴最多以江出沙金故名唐書南蠻傳貞元五年南

詔異年尋大破吐蕃于神川遂斷鐵橋溺死以萬
升又西域傳多彌木西羌屬吐蕃號難磨濱犁牛
河土多黃金又地理志渡西月河二百一十里至
多彌國西界又經犁牛河渡橋百里至列驛明
統志金沙江古名麗水源自吐蕃界犁石下名犁
水訛犁為麗流經巨津通安寶山三州按犁石
者以其石如牛也其水因之得名故有犁牛之稱
舊志謂此即古若水不知若水即今鴉龍江其下
流名打冲河非金沙江也或謂此即繩水按水經
注若水往越萬大茆縣入于繩水出徼外山海經
曰巴遂之山繩水出焉東南流分為二水其一水
枝流東出逕廣柔縣東流注于江其一水南徑旄
牛道至大茆與若水合自下亦通謂之繩水矣今
金沙江下流正與打冲河合其說似之唐樊綽以
麗水為禹貢之黑水云與彌茫江合經縣國東入
南海程大昌疑其源流狹小不足以合雍梁二州

疆境然今金沙江自與大江合不入南海非黑水也明僧宗泐望河源持自記云河源出自抹必力赤巴山者人呼黃河為抹處犁牛河為必力處赤巴者分界也其山西南所出之水則流入犁牛河東北之水是為河源今自黃河源至金沙江源僅三百六十餘里中隔巴顏喀喇山河源在山之東金沙江源在山之西南宗泐之言與今頗合必力處即布賴楚聲相近也又徐宏祖溯江記源云烏貢言岷江導江乃汎濫中國之始非發源也中國入河之水為省五入江之水為省十一計其吐納江倍于河按其發源河自崑崙之北江亦自崑崙之南非江源短而河源長也宏祖蓋以金沙江為大江之正源前人已言之者第非出于周覽故其言雖是而未能條析凡水之源必以遠且大者為主而近者小者附之金沙江自發源歷雲南至叙州府行七千里始與岷江合較岷江之源遠三

四倍大亦倍之昔人守禹貢岷山導江之文不敢別有異詞然岷山特導江所始非即江源猶導河積石非即河源也以今考之江凡三源最遠而大者莫如金沙其次則鴉龍又其次則岷江三源金沙最西中為鴉龍東為岷江鴉龍江流至四川會川衛西先合金沙江金沙江流至叙州府又與岷江合斯為大江也按徐宏祖所言江源考之與圖頗得源委至云河自崑崙之北江自崑崙之西則以巴顏喀喇山為崑崙以星宿海即為河源不知崑崙在回部極西河源初發在蔥嶺和闐諸山其南境與阿里地之岡底斯山相接計其道里在金沙江源之西尚四千餘里巴顏喀喇山正當大河伏流重發之地故所云非江源短而河源長者未及見今日輿國沿舊說而云然也明僧宗泐所言亦同此誤今鴉龍江在東塘城東二百四十里辨正其說如此

鴉龍江

源自裏塘城西北八百餘

里巴顏喀喇山番名齊齊爾哈納河西南流五百
餘里兩旁十餘水注之至麻穆巴顏喀喇山下有
水名麻穆齊爾哈納河西南流與此水會又流
百餘里東有年尼諾起山所出之謝楚河西有澤
塞岡嶺所出之鄂宜楚爾古河二水分流入此名
尼雅克楚河又南流三百餘里至四川打箭爐占
對安撫司西名鴉龍江又三百餘里至四川鹽井
街西北界名打冲河折東流一百五十餘里又折
而南二百餘里會金沙江今以此江為邊界江之
東屬四川打箭爐地江之西為番地按此即古
若水一名湟水亦大江之一源也史記五帝紀黃
帝子昌意降居若水山海經南海之內黑水青水
之間有木名曰若木若水出焉漢書地理志若水
出旄牛縣徼外南至大雅入繩水明統志打冲河
源名黑惠江又名納夷江

孟格插素阿爾坦河

源出

岡底斯山雪消時衆水分流南注二十餘里會于岡底斯山之南西南流四十餘里入郎噶池郭

永河

在卓書特部落東南源有四一出昂則嶺北名龍列河一出蓋楚岡前山名蓋楚河一出

塞丹山名朱克河一出拉魯岡前山名拉出河俱東北流二三百里合為一水又東北流六十餘里

入雅魯

甕出河

在藏之薩噶西南二百餘里源有四一出西南查木東他拉泉一出

國克馬爾他拉泉一出正南那木噶山之北一出東南他克拉他拉泉俱北流百餘里合為甕出河

又北流二十餘里入雅魯

式爾的河

在薩噶西南一百餘里源有三一出西南

沙盤嶺一出正南舒拉嶺一出岡拉窪千山俱北流百餘里合為式爾的河又北流九十餘里入雅

魯藏

薩布楚河

在日喀則城西北八十里源出城南楚拉米洪羅綽爾莫三山流出

三泉北流百餘里合為拉楚河又北流百餘里旁有二水一自西南來名桀河一自東南來名當出

河合為薩布楚河北流一百二十餘里入雅魯藏布江

年楚河

在日喀則城北十里源出

城南朱母拉母山及順拉嶺西北流三百餘里合為一水名章魯河又流八十餘里至娘娘廟東有

八小水從東北來合流入此河轉西北流過將則城白滿城之西一百餘里又有二水從西南來亦

入此河始名年楚河此流繞日喀

龍前河

在林奔城北二

里源出城東朱木哈拉山西流百餘里與城西南勞金岡藏山所出之水會又西北經林奔城東入

雅魯藏布江

江加蘇木拉河

在卓普特部落西源出西北沙苦牙拉麻拉山迤克

佳拉山湟立崩流出四水俱東流百餘里會為一又南流五十餘里有查爾河自西來會東流六十

餘里入雅
魯藏布江

那烏克藏布河

在卓書特部落西南三十里源出東北桑里池

西流二百五十餘里北受尚里噶巴嶺木克龍山

流出之二水南受拉主客山祖倫山羊巴木山流

出之三水由羊巴木嶺西轉南流八十餘里又受

西北牙拉嶺達克龍山流出之二水又南流六十

餘里入雅
魯藏布江

薩楚藏布河

在薩噶西南一百餘里源出岳洛岡千堵山流出六

水俱南流百餘里會為加巴蘭河又流五十餘里

其西北有拉祖克祖楞羊巴木山流出之三河西

南有昂色昂勒宗山流出之二河俱流入加巴蘭

河東南流又折西南與東北查薩公噶爾他拉山

流出之二水西南控木山六色立羊古山流出之

二水會為薩楚藏布河又西南流七十餘里入雅

魯藏
布江

滿楚藏布河

在薩噶西南北有斜爾充山源出二水南流二百餘里

東有岡充查達克山流出三水西有拉克藏卓立
山流出一水六水合流為滿楚藏布河又東南流

四十餘里入

薩爾格藏布河

在薩噶東南其水出
于東布拉布池西南

雅魯藏布江

流四百餘里東有拉布岡充山流出一水西有拉
冲温必普達克拉克諸山所出八水分流與拉布
水會名西達克河又南流三十餘里東有薩出河
西有魯河俱匯于此西南流三十餘里轉東南流

一百二十餘里

入雅魯藏布江

鄂宜楚藏布河

源出章阿布林城
西北一百八十里

札木楚克池南流百餘里入龍岡蒲池又有三水
西來會流為達克楚河又東流一百八十餘里至

穆克布查克薩木馬橋北受北來之鄂宜楚河為
鄂宜楚藏布河又東南流六十餘里入雅魯藏布

江

尚河

在尚那木林城東南源出城西北絳查拉
及達索克布二山流出二水東南流二百

四十餘里會東北佐山之水南

羊巴尖河

在董郭爾城西

源出城西諸山嶺中有五水東南流一百八十餘里東合秦雲山之麻本楚河西合柁木巴山之楚

浦河會為羊巴尖河東流四十餘里入噶爾招木楞江

巴布龍河

在蓬多城西北源出

城西北薩木坦山有三水南流合數水轉東南流入來的克藏布河

年渚河

在公布則布拉

岡城東源出城西北沙羽克岡拉山有水名馬母楚河東流二百四十餘里南有巴拉嶺流出之巴

龍楚河哈齊朱苦山流出之布頓楚河北有烏山流出之烏楚河俱流入此河東流六十餘里至公

布札木達城南有水北來名佳囊河繞札木城東與此河會為一復東南流三百餘里至公布碩格

城南有水東北自巴宗祖池流出名巴楚河亦流入此河至公布朱木城東其西北有查布山流出

之牛楚河亦東流入此河乃南流繞則布
拉岡城東流二百餘里入雅魯藏布江 岡布藏

布河

在公布札木達城東北源出城東一百十六里緋拉嶺有水名楚克河北流三十餘里入

查木那岳牧作池又東南流二百五十餘里北有章阿爾松山流出之章魯河桑前桑克山流出之

桑楚河又東有喀布地之勢布公拉沙爾公拉諸山嶺流出四水名厄楚河俱南流匯入名岡布藏

布河東南流一百四十餘里經的牙爾山西入岡布部落至嫩皮唐他拉東喀木境內有藏布河有

北來流入此又經塞母龍拉嶺東出岡布 朋出藏境入羅喀布占國東南流入雅魯藏布江

布河

在薩噶東南二百五十餘里西有書爾木藏拉山東有西爾中馬山瓜查嶺流出三水合

為一道東南流二百五十餘里又合四小水東流一百四十餘里至羅西噶爾城南折而東北旋流

五十餘里繞岡龍前山北轉南流二百餘里出藏之南境遇朱拉拉依部落入厄納特克國界羅

楚藏布河

在羅西噶爾城西源出城西北二百三十餘里卓朱岡千山及主爾布尚岡里

山流出二水北流五十餘里合流又南四十餘里入朋出藏布河

牛藏布河

在帕里宗

城西源出城西一百三十餘里綽拉崩及訥色爾山阿巴拉山流出三水北流六七十里匯為一水

又流三十餘里西南有丁拉廟測林布山朱木拉馬山流出三水東流九十餘里合流又東流六十餘里與此水會又東流七十餘里入朋出藏布河

羅藏布河

在羅西噶爾城東北源出

城東北諸山中東流六十餘里合為羅楚河轉東南流一百八十餘里至羅西噶爾城東北其西北有拉爾噶爾布山流出二水東南流八十餘里合為佳楚河又東南流一百三十餘里至羅西噶爾

城北會羅楚河名羅藏布河

長楚河

在丁吉牙城西源出城西

又十餘里入朋出藏布河

北一百十餘里林佛拉崩龍岡千山蘇庫岡前山

流出三水東南流七八十里合流至丁吉牙城西

轉南流九十餘里有二水西北來匯成一池名為

吉楚河派三百二十餘里亦入此河又二十餘里

入朋出

藏布河帕里藏布河

在帕里宗城西南源出城東北一百二十餘里噶爾撮池

西南流四十餘里八查木蘇池由查木蘇池西南

派經帕里宗城西北二百餘里有四水東北來合

流又西八十餘里

牙爾佳藏布河

在喇薩北七百餘里源出巴薩

入朋出藏布河

通拉木山西流入喀

布倫河

在喀拉池南一百五十餘里東有公噶巴

齊國為銜地之北界

噶馬山之哈拉河魚克山之魚克河俱西北派百餘里與西南來之說木池水合又東北派五十餘

里入喀喇烏蘇

布克沙克河

源出喇薩北七百餘里喀爾占古察嶺南流三百餘里西

合都回山之水名沙克河又東南流二百四十里西受枯藍河北受布克河又東南流百餘里入喀喇

烏蘇索克占旦滾河

源出伊克諾莫渾烏巴什嶺數水合流繞諾莫渾烏巴什山東南流

二百餘里西南有巴漢諾莫渾烏巴什嶺布喀山拂漢峯流出之四水與此相會歷兩山間入喀木地又

流二百餘里入喀喇烏蘇

阿克打木河

源出伊克諾莫渾烏巴什嶺北武門他拉二池東北

流百餘里有二水一自東來名伊克阿克打木一自西來名巴漢阿克打木合為一水西北流三百餘里

入木魯烏蘇

土虎爾河

在金沙江上流折南流處源出伊克諾莫爾渡口西二十里厄爾

濟根嶺名烏捏河北流八十餘里至土虎爾施羅海岡東有二水西南來一名空楚河一名和泰河派至

岡東合流又北流一百二十餘里至薩爾龍他拉入木魯烏蘇七七爾哈納苦苦烏

蘇河

源出伊克苦苦賽爾渡口東南三百里蘇克布蘇克穆雜噶唐奴克吾七木喀大都雜等

諸山中流出七大水又有二池流出二水俱東北流近者五六十里遠者一百餘里會于一處名七

七爾哈納苦苦烏蘇又流三十餘里忒墨圖苦苦入木魯烏蘇此河頗大無船可渡

烏蘇河

在七七爾哈納苦苦烏蘇河東五十里源出打克木喀木雜噶山二水西北流六十

餘里合流七十餘里入木魯烏蘇喀七烏蘭木倫河源出已薩通拉木山西北

四百餘里砌什達爾烏蘭達布遜山東南流五百餘里入木魯烏蘇托克托乃烏蘭

木倫河

源出砌什達爾山東北三百餘里錫津烏蘭托羅海山東流四百五十餘里入木魯

烏蘇那木七圖烏蘭木倫河

源出錫津烏蘭拖羅海山東北三百餘里巴顏

喀喇得爾奔山東南流六百餘里入木魯烏蘇以上三水皆在金沙江源之北岸甚深濶難渡圖

哈爾圖喀喇烏蘇河

在金沙江上流折而南之東岸源出古爾板圖爾哈圖山

西流一百五十餘里南有可蘇七老河毛仲和爾和河北有噶布勒河莫和爾喀喇烏蘇河俱流會

于此又流二十餘里入木魯烏蘇

匝楚河

在羅隆宗城東北一百六十里源出羅隆宗城

東北楚克楚千二池二水合向東南流五百餘里入瀾滄江

多克楚河

在節達穆城東

八十里源出節達穆城北二百餘里沙魯楚諾爾池東南流三百餘里至米黎拉岡入雲南界名無

量河又流二百餘里入金沙江

里楚河

在裏塘城北三里源出裏塘城西北一百五十餘里

里母山沙魯齊山二水合而東南流至裏塘城東南有二水自東北合流注之轉西南流三百餘里

至米黎拉岡地會無並河入雲南界

敦楚河

在裏塘城西南一百八十里源出城西南岡里

拉麻爾山西南流一百六十餘里其東北有札木喀達山流出之麻楚河至此合流又百餘里入金

沙碩楚河

在裏塘城西南一百五十里源出岡里拉麻爾山東之噶布乃岡里山西南流

三百里合

鄂宜楚河

在匝坐里岡城西源出城北三百里納蘭嶺南流四百餘

里至家拉穆池入路江

馬品木達賴池

在阿里之達克拉城東北二百里岡底斯

山東南六十五里發源自狼十喀巴布山下西流匯為此池即岡噶江源也池周一百八十餘里水

色綠味清甘午後五色浮面爛如電光四郎噶池面有山如門俗傳取水者必從門中入

在達克拉克城北一百七十里岡底斯山西南三十里池廣三百餘里從馬品木達賴池水西流匯

為此池又自池西流出為牙母魯克于木卒池在狼楚河水色稍黑味亦遜

噶喇則城界池廣四百六十餘里中有三山一名朱納巴一名鴉博土一名桑里山下溪流甚多時

白時黑或成五彩中多魚附近加木卒吉木卒池居人及居山內者皆藉魚為生

在章阿布林城西北池廣六十餘里本二池東拉名吉木卒西名加木卒合成一池故名中多魚

木卒西木卒池在阿里宗城東北一百二十里池廣二百二十里其形南北長南受

四水北打魯克雨木撮池在藏之者巴部落西北受一水

八十餘里東有水名那綏行五百餘里南查布也有諸中山出十餘水皆匯流入於此池

薩噶鹽池

在打魯克雨木撮池北二十餘里池廣一百五十餘里內產白鹽附近居人皆

食此

郎布池

近查布也薩噶池之北池廣二百二十餘里

札母撮疊訥

克池

在卓書特部落西北四百十餘里池廣十餘里中產礪砂

公努木擦噶等

十一鹽池

在喇薩西北七百餘里一名公努木擦噶一名里牙爾擦噶一名呂布擦噶一

名牙根擦噶一名那木鄂岳爾擦噶一名苦公擦噶一名必老擦噶一名加木撮木擦噶一名馬里

擦噶俱在牙爾佳藏布河之兩岸大者廣一百九十里小者廣五六十里俱產鹽其苦公擦噶那木

鄂岳爾擦噶二池產紫鹽餘俱產白鹽喇薩居人俱食此鹽

滕噶里池

在喇薩西北二

百二十餘里池廣六百餘里周一千餘里東西甚長南北稍狹蒙古呼天為滕噶里言水色如天青

欽定四庫全書

卷四百十三

也在藏地之池無大于此者其東有三水流入皆名查哈蘇太河西有二水流入一名羅薩河一名打爾古藏布河流數百里入此池

古蹟吐蕃國

即今衛地杜佑通典吐蕃在吐谷渾西南唐書吐蕃本西羌屬蓋百有五十種

散處河湟江岷間有發羌唐旄等然未始與中國通居析支水西祖曰鵠提勃宰野稍并諸羌據其地蕃發聲相近故其子孫曰吐蕃而姓勃宰野或曰南涼禿髮利鹿孤之後二子曰樊尼曰倕檀倕檀為乞伏熾盤所滅樊尼挈殘部臣沮渠蒙遜以爲臨松太守蒙遜滅樊尼率兵西濟河逾積石遂撫有羣羌云其俗謂強雄曰贊丈夫曰蕃故號君長曰贊蕃地直京師西八千里距鄯善五百里其贊蕃居跋布川或邈安川地理志天威軍初曰振武軍又西二十里至赤嶺其西吐蕃有開元中分

界碑自振武經尉遲山告拔海王孝傑米柵九十里至莫離驛又經公主佛堂大非川二百八十里至那綠驛吐蕃界也又經暖泉烈謨海四百十里渡黃河又四百七十里至衆龍驛又渡西月河二百一十里至多彌國西界又經犁牛河渡藤橋百里至列驛又經食堂吐蕃村截支橋兩石南北相當又經截支川四百四十里至婆驛乃渡大月河羅橋經潭池魚池五百二十里至悉諾羅驛又經乞量寧水橋又經大速水橋三百二十里至鶻奔驛唐使入蕃公主每使人迎勞于此又經鶻介峽十餘里兩山相峯上有小橋三瀑水注如瀉並其下如烟霧百里至野馬驛經吐蕃壑田又經東橋湯四百里至閭川驛又經恕謨海一百三十里至哈不爛驛旁有三羅骨山積雪不消又六十里至突錄濟驛唐使至贊普每遣使慰勞于此又經柳谷莽布支莊有溫湯涌高二丈氣如烟雲可以

然米又經湯羅葉遺山及贊普祭神所二百五十里至農歌驛邏西在東南距農歌二百里唐使至吐蕃宰相每遣使迎候于此又經鹽池暖泉布江靈河一百十里渡姜濟河經吐蕃墜田二百六十里至卒歌驛乃渡滅河經佛堂一百八十里至勃合驛鴻臚館至贊普牙帳其西南拔布海按今土人相傳達賴喇嘛所居喇薩之地即唐時吐蕃建牙之所且有古碑可證以唐書考之亦當在此

唐碑

在衛之伊克招廟大門右上刻長慶初唐與吐蕃會盟之文至今碑猶完好其文曰大唐

文武孝德皇帝大蕃聖神贊普舅甥二主商議社稷如一結立大和盟約永無渝替神人俱以證之世世代代使其稱贊是以勒石流傳之于後也文武孝德皇帝與聖神贊普二聖睿哲洪被曉久永之化垂矜憇之情恩覆並無內外商議協同務令萬姓安泰施恩如一成久遠大治之績茲者同心

以申鄰好之義共成厥美今漢者二國所守見管
封疆洮岷之東屬大唐國界其塞之西盡是大蕃
地上彼此不為殺敵不舉兵革不相侵謀封境或
有積阻捉生問事給以衣糧放歸今杜稷山川無
擾各敬人神然舅甥相好之義苦難每需通傳彼
此相倚二國常相往來兩路所遭唐差番使並於
將軍谷交馬其洮岷之東大唐供應清水縣以西
大番供應須令舅甥親近之禮使其兩界煙塵不
揚同聞頌德之名永無驚恐之虞行人撤備鄉土
俱安並無相擾之犯垂恩萬代則稱美之聲遍于
日月所照矣蕃于蕃國受安漢亦漢國受樂各依
此盟誓永不移易當三寶及諸賢日月星辰之下
刑牲設誓如有不依此言背約破盟者受其殃禍
也蕃漢君臣並稽首告立周細為文二君之德萬
載稱揚內外蒙庥人民咸頌矣按舊唐書長慶
元年九月吐蕃遣使請盟許之乃命大理卿兼御

史大夫劉元鼎充西番會盟使兵部郎中兼御史中丞劉師老為副元鼎等與諒訥羅同赴吐蕃木國就盟此碑即當時所置也

津梁衛地諸渡

由西寧往西藏之路過西海部落界巴顏喀喇嶺入衛地東北所經諸渡

口馬渡五曰喀喇烏朱爾渡在阿克阿木河源呼爾哈渡在木魯烏蘇源水皆淺人馬可涉拜都渡在呼爾哈渡東北多倫鄂羅穆渡在木魯烏蘇自西折南流之處其水至此分為七歧故名水小易涉水發難行巴母布勒渡在多倫鄂羅穆渡東船渡四曰伊克苦苦賽爾渡在巴母布勒渡南百餘里冬春用馬夏秋用皮船又南曰巴漢苦苦賽爾渡又有白塔渡達爾汗庫布渡與西海部落接界皆金沙江上流水深藏地諸渡達克朱喀渡在日難涉處用皮船可渡喀則城東北四十

里拉側渡在章拉則城西南賈家朱喀渡在薩噶東南八十里三渡皆用船

喀木諸渡

畢爾麻諸速穆渡在打箭爐西南二百七里鴉龍江岸者人往打箭爐販茶者由此達顏崇古爾渡在涼卓克城北三百八十里金沙江岸喀木者人往西海者由此則朱速渡在巴塘西南七十里金沙江岸番人往打箭爐者由此墨普卓克渡在雲南麗江府西北六十里金沙江岸自喀木入內地者由此皆

衛地諸橋

遂多鐵索橋在遂多城西達用皮船用皮船

北魯衣鐵索橋在達克卜吉尼城南三十里雅魯藏布江岸鄂納鐵索橋在墨爾恭噶城北二十里噶爾招木倫江岸池薩母木橋在董郭爾城西南七里羊巴央河岸楚烏里鐵索橋在楚舒爾城西北十四里雅藏地諸橋董噶木爾橋在納噶拉則魯藏布江岸

池旁薩喇朱噶鐵索橋在林奔城西北二十里雅
魯藏布江岸查喀爾札什戴鐵索橋在盆蘇克靈
城東六十里雅魯藏布江岸蘇木佳石橋在日喀
則城東南四里年楚河岸橋長七十餘文有十九
洞桑噶爾札克薩木鐵索橋在盆蘇克靈城西北
一百餘里鄂宜楚河岸穆克布札克薩木鐵索橋
在桑噶爾札
克薩木橋旁
喀木諸橋 索克薩母木橋在索克宗
城七十餘里喀喇烏蘇岸
札木牙薩母巴橋在羅隆宗城東北八十里喀喇
烏蘇岸札史達克西穆橋在匝坐里岡城東北一
百二十里開
滄江上流處

寺廟布達拉寺

在喇薩西北四里馬爾布里小山上
殿高三十六丈七尺四寸頂皆塗金

樓房萬餘間金銀塔金銀銅玉佛像無數相傳唐
太宗時吐蕃贊普創造為建牙之所至五世達賴

喇嘛與第巴重建今達賴喇嘛居此衛地之首廟也乾隆二十五年

御賜廟額曰湧

伊克招廟

在喇薩中相傳唐文成公主所建今唐時佛像猶存番語

謂大為伊克廟為招猶言大廟也乾隆二十五年御賜額曰西竺正宗

巴漢招廟

在喇薩北相傳唐時吐蕃贊普所娶巴勃布國女子所建巴漢譯言小也乾隆二十

五年

御賜廟額曰耆闍真境

噶爾丹廟

在喇薩東南八十里相傳宗喀巴所建廟

內有宗喀巴之塔及所遺坐床有喇嘛五千餘居此雍正十一年

賜廟名曰永

泰寺

布雷峯廟

在喇薩西北十六里相傳宗喀巴弟子所建有喇嘛五千餘

色喇廟

在喇薩北八里亦宗喀巴弟子所建有喇嘛三千餘又帕龍喀毛廟在喇薩北十二

里札克布里廟在喇薩西北五里噶東廟在喇薩西北十八里

拉里廟

在札木達城東北二

百二十八里街之東都與喀木接界為往來要路其餘所屬諸城尚有三十餘廟喇嘛多者七八百人

闡宗寺

在衛地番名地穆胡圖克圖廟乾隆四十二年新修

御賜

今名四體書額 **扎什倫布廟**

在日喀則城西二里都布山前相傳昔宗喀巴大弟子根

勒

封為

敦卓巴所建至今班禪喇嘛居此康熙五十二年班禪額爾得尼賜金冊印廟內樓房三千餘間金

銀塔金銀銅玉佛像無數有喇嘛五千餘人所屬小廟五十一處共喇嘛四十餘人莊屯十六處部

御賜

匾額曰福緣恒護乾隆四十六年落十餘處為藏地之首廟乾隆四十五年

御賜匾額曰壽相禪宗曰寶地祥輪四十八年額爾德尼于寺內新蓋寺一所

御賜名曰壽寧四體書額佛殿匾額曰祥輪普蔭其餘境內有名之廟共十九處皆有喇嘛數百人焉

普恩寺 在後藏地書名納爾塘寺雍正五年

勅

賜今名

喀木諸廟

淳化寺 蔭化寺 俱在羅隆宗城東南一百里持戒寺 靜修寺 俱在羅隆

宗城南五十里清淨寺在羅隆宗城西六十五寺俱 本朝康熙四十二年

勅

賜名

又木多廟在匝坐里岡城北三百八十里所屬小廟十三處扎牙查史垂宗廟在扎坐里岡城東北

二百二十里所屬黃帽喇嘛三十六處紅帽喇嘛十八處岡斯丹扎穆裨林廟在裏塘城內所屬小

廟十七處拉岡鼎廟在裏塘城南三百五十里所屬小廟六處其餘境內有名之廟尚有二十一處

皆近時所建

阿里諸廟

扎木廟在古塔扎什魯木布側城北五十里喀查爾廟在達克

拉城東南九十里巴爾旦赤克色廟在拉達克城東四十里畢圖克廟在拉達克城西南六十里米喇廟在畢底城西一百一十里

土產金

出金沙江

銀

銅

鉛

已上皆出喀木

石青

硼砂

馬品木達

賴池旁出者最佳有紫黑二色

璣璣

其類不一各處皆有

鹽

有紅白紫三種

犛牛

馬

獐羊

天鼠

俗名捨喇已上各處皆有

青稞麥

大麥

莞豆

螢豆

已上各處皆有


欽定大清一統志卷四百十三


西域新疆全圖

西域新疆全圖









欽定四庫全書

欽定大清一統志卷四百十四

西域新疆統部

東至喀爾喀瀚海及甘肅省界西至薩瑪爾罕及蔥嶺界南至拉藏界北

至俄羅斯及左右哈薩克界東南至甘肅省界西南至蔥嶺拔達喀山痕都斯坦諸屬界東北至俄羅斯界西北至右哈薩克界廣輪二萬餘里北為塔準噶爾部南為回部統轄天山南北事務將軍

駐劄伊犁至京師

一萬八百二十里

建置沿革百為雍州外地前漢武帝時始通西域自

天山以南為城郭三十六國地東接玉門陽關西

至葱嶺南北有大山河流其中設都護治所于烏
壘城統轄諸國自天山以北東境為匈奴右部地
西境為烏孫國地未嘗服屬于漢後漢時山北仍
為烏孫國及匈奴地山南分為五十餘國旋絕旋
通設都護及長史治所以統之三國及晉北為烏
孫及鮮卑西部地南仍為于闐龜茲諸國地北魏
時北為蠕蠕烏孫悅般高車諸國地後周為突厥
鐵勒地其南則鄯善盛大服屬諸國焉隋為突厥

鐵勒西突厥地南仍為于闐龜茲諸國地唐為寔
厥沙陀回鶻西突厥諸部設各都督府置北庭大
都護府于西州後庭縣以統之其南諸國置安西
大都護府于龜茲部並統諸都督府復以于闐疏
勒碎葉焉耆列為四鎮中葉以後為吐蕃有及五
代時盡入于吐蕃回鶻宋時為烏孫回鶻于闐龜
茲諸國盡入于遼元為阿爾穆爾

舊音阿力麻里今改正及

回鶻五城地諸王海都行營統軍之所山南為巴

什伯里

舊音別失八里今改正

諸國地置宣慰司元帥府以

統之明山北為衛拉特

舊音瓦刺今改正

元臣脫懽之後

四衛拉特世居之山南為巴什伯里葉爾羗

舊音葉爾

飲今改正

土爾蕃

舊音吐魯番今改正

諸國回部派噶木巴爾諸

族之後裔世居之本朝龍興元代後裔之分處

東北者並久隸版章世為臣僕惟準噶爾厄魯特

四部稱四衛拉特者曰綽羅斯部曰都爾伯特部

曰和碩特部曰土爾扈特部其後土爾扈特部竄

歸俄羅斯因以都爾伯特之輝部別為一部仍稱
四衛拉特焉四部盤踞西北至噶爾丹而稍強吞
噬鄰屬闌入北塞

聖祖仁皇帝三臨朔漠剪滅其衆北土奠平其姪策妄阿
拉布坦收其遺孽遁保伊犁傳子噶爾丹策凌恃
其險遠部落漸衆興師侵服山南之回部執其酋
長收其租賦傳子策妄多爾濟那木札爾肆行殘
暴喇嘛達爾扎執而篡之策妄之再從姪孫達瓦

齊又篡奪其位而凶殘益甚衆部落皆不堪命乾隆十八年冬都爾伯特台吉策凌等率數萬人來歸十九年秋輝特台吉阿睦爾撒納和碩特台吉班珠爾等又率衆來歸羣請興師問罪二十年二月

皇上特命兩將軍率師啟行衆鄂拓克迎降恐後五月至伊犁達瓦齊潰走回人阿奇木霍集斯伯克執以獻準噶爾平六月阿睦爾撒納覬為總台吉不

遂煽其衆以叛將軍策楞以兵勦之阿逆奔哈薩
克準部諸台吉相繼作亂二十二年將軍兆惠副
將軍富德分路進討哈薩克歸順阿逆奔俄羅斯
旋伏宴誅俄羅斯驛置其屍以獻伊犁復定初回
首波羅泥都霍集占久為準噶爾所執王師平
伊犁釋其縛遣波羅泥都歸葉爾羌城統其屬遣
霍集占居伊犁撫頷回衆未幾背恩從逆竄歸舊
穴煽動回衆作亂乾隆二十三年大兵進討克

庫車沙雅爾阿克蘇烏什諸城二十四年收和聞
喀什噶爾葉爾羌諸城二酋遁入拔達克山境拔
達克山歸順函首以獻回部平設總統伊犁等將
軍參贊大臣辦事大臣同知總管等員以經理之
以準部之烏魯木齊建為迪化州分屬甘肅省其
準回二部之恭誠投順者封爵世襲有差並設有
分理回務諸扎薩克伯克以統理其衆分境給轄
盡如內地焉初土爾扈特部與策妄不睦竄歸俄

羅斯乾隆三十六年其汗渥巴錫台吉策伯克多
爾濟等向風慕化率其衆三萬餘戶越萬有餘里
來歸

皇上覃恩賜爵授以廩餼給以牧地其部衆則量地分
編俾居于伊犁塔爾巴噶台諸境于是元裔四衛
拉特之衆盡入版圖朝貢賦稅各率厥職其藩屬
之拔誠歸順者有左右哈薩克東西布魯特霍罕
安集延瑪爾噶明那木干塔什罕拔達克山博洛

爾布哈爾愛烏罕痕都斯坦巴勒提諸部自西域
底定並歲時朝貢唯謹焉

御製平定準噶爾告成太學碑文曰遼矣山戎薰粥
秦毳幕之人界以龍沙畜其驪奚雖無恒業厥有分
部蓋自元黃剖判萬物芸生東夷西夷各依其地謬
舉淳惟未為理據皇古莫紀其見之書史者自周宣
太原之伐秦致亘海之華莫不畏其侵軼猶夏自虞
自是厥後一二奮發之君慨然思挫其鋒而納之宥
然事不中機財不付用加以地遠無定處故常勞衆
費財十損一得縉紳之儒守和親介胄之士言征伐
征伐則民力竭和親則國威喪于是有守在四夷羈
靡不絕地不可耕民不可臣之言興矣然此以論漢
唐宋明之中夏而非謂我皇清之中夏也皇清荷
天之寵興東海撫率區有元之裔久屬版章歲朝貢從征

狩執從惟謹準噶爾尼魯特者本有元之日僕叛出據西海中明世為邊患至噶爾丹而稍強吞噬鄰蕃

闡入北塞我

聖祖

三臨朔漠用大破其師元惡伏吳誅脅從遠逝跡母俾遺種于我喀爾喀厥姪策妄阿拉布坦收其遺孽僅保伊犁故當索俘取地無敢不共逮夫部落滋聚

兩朝

命將問罪雖屢獲捷而庚戌之役逆子噶爾丹策凌

能用其父舊人乘我師怠掠富于巴里坤擣營于和卜多于是而準夷之勢大張然地之險遠主客異焉此勞往而無利彼亦如之故額爾德尼招之敗彼亦以彼貪利而深入也

皇

考謂我武既揚不可以既允其請和以息我衆予小子

敬奉

先

志無越思焉既而噶爾丹策凌死子策望多爾濟那木

扎爾泰殘喇嘛達爾扎篡奪之達瓦齊又篡奪喇嘛

欽定四庫全書

欽定大清一統志

六

達爾北而酌酒麾下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而撫循之且無令滋方來之患于我喀爾喀也于是議進而路之師問彼罪魁安我新附凡運餉籌駭長行利戰之事忠議之始熟經于戎戍之艱者咸懼蹈前轍惟大學士忠勇公傅恆兄與朕同而新附諸台吉則求之甚力朕謂犁庭掃穴即不敢必然喀爾喀之地必不可以久居若而人毋寧用其鋒而觀厥成即不如志亦非可悔也故凡有禍旗命將之典聚未舉行亦云偏師嘗試為之耳塞上用兵必以秋而阿睦爾撒納禍未特請以春月欲乘彼馬未肥則不能避朕謂其言良當遂從之北路以二月丙辰面路以二月己巳各起行哈密瀚海向無雨今春乃大雨咸以為時雨之師入賊境凡所過之鄂拓克攜羊酒糗捕迎恐後

祖

天

宗積功累仁荷

五月乙亥至伊犁亦如之達瓦齊于格登山麓結營以待兵近萬我兩將軍議以兵取則傷彼必衆彼衆皆我衆多傷非所以體上慈也丁亥遣阿玉錫等二十五人夜所營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌回人阿奇木霍集斯伯克執達齊來獻軍門準噶爾平是役也以定議不過二人籌事不過一年兵行不過五月無亡矢遺鏃之費大勲以集遐壤以定豈人力哉是皆我

垂佑而授之以事機不奉行之以致坐失者多矣可與樂成不可與謀始亦謂蚩蚩之衆云尔豈其卿大夫之謂既克集事則又曰苟知其義將勸為之夫明于事後者必將昧于機先朕用是寒心且準噶爾一小部落耳一二有能為之長而其樹也固焉一二暴虐失德之長而其亡也忽焉用自知懼武成而勒碑于文

廟例也禮臣以為請故以寔事書之其辭曰茫茫伊
犂大幹之西匪今伊昔化外羈靡條支之東大宛以
南隨畜獵獸蟻聚狼貪乃世其惡乃恃其遠或激我
攻而乘我緩其計在斯其長可窮止戈靖遠化日薰
風不侵不距不來其耶款關求市亦不禁訶始纂希
珍終居奇貨吏喜無事還就斯悞漸不可長我豈懼
其豈如宋明和市之為既知其然飭我邊吏弗縱弗
嚴示之節制不仁之守再世斯斬篡奪相仍飄忽在
苒夙沙革面煎羣披忱集泮飛鵝食鰥懷音錫之爵
位榮以華裾膝前面請願効前驅兵分兩路雪中霜
鋒先導中堅如鼂錯攻益以後勁蒙古舊屬八旗子
弟其心允篤二月卜吉牙旗飄飄我騎斯騰無待折
膠泉涌于磧撫苗于路我衆歡躍謂有天助匪啗我
衆新附亦云黃髮未暗水草富春烏魯木齊波羅塔
拉台吉宰桑紛紛款納率其肥羊及馬湮酒獻其屬
耆合掌雙手予有前諭所禁侵陵以茶交易大愉衆

情衆情既愉來者日繼蠢達瓦齊擁兵自衛依山據
淖惟旦夕延有近萬人共心十千勇不目逃擒二十
五曰阿王錫率往賊所銜枚夜襲直入其手揮矛拍
馬大聲疾呼彼人既離我志斯合突將無前縱橫陸
路案角鹿埵隴種東籠自相狼籍孰敢櫻鋒狐鼠
逃將往異域回部遮之兇渠斯得露布既至告

廟受俘凡此歲功荷

天之儲在古周宣三年乙亥淮夷是平常武詩載越我

聖祖征噶爾丹命將 禍旗亦乙亥年既符歲德允協師

征兵不血刃漠無王庭昔時準夷弗恭弗諱今隨師

行為師候尉昔時準夷日戰夜征今也偃卧知樂人

生曰非準夷曰我且僕自今伊始安爾遊牧爾牧爾

耕爾長孫子曰無向非豈有今是

兩朝志竟億載基成側席不違保泰持盈

御製平定回部告成太學碑文曰建非常之功者以舉

非常之事舉非常之事者以藉非常之人然亦有不

欽定四庫全書

欽定大清一統志

卷四十四

八

藉非常之人而舉非常之事終建非常之功者則賴上蒼篤貺神運幹旋事若禍而移福機似逆而實順順

天者昌逆

天者亡故定準夷之庭掃回部之穴五年之間而勲並集始遲疑猶未敢信終勛勛以底有成荷

天之休在茲畏

天

之鑒益在茲爰敘其事如左達瓦齊之就俘也伊犂已

大定矣無何而阿睦爾撒納叛彼其志未曰藉我力以成已事時也人心未定左翼者當一蠟肆狂萬狙應響鋒屯蟻集不可爬梳畏難者羣謂不出所料準夷終不可取並有欲棄巴里坤為退守謀然予計其衆志不齊將有歸正倒戈者于是督策將帥之目慈師亟進既而伊犂諸台吉宰桑果悔過勤王思討逆賊以自贖此

天恩

助順者一也二酋大小和卓木者以回部望族久為準噶爾所拘于阿巴噶斯鄂拓者也我師既定伊犂

乃釋其囚以兵送大和卓木波羅泥都歸葉爾奇木
俾統其舊屬而今小和卓木霍集占居于伊犁撫其
在伊犁衆回乃小和卓木助阿逆攻勤王之台吉宰
桑等阿逆賴以苟延及我師再入阿逆遂逃入哈薩
克而霍集占亦即收其餘衆竄歸舊穴此

天恩

助順者二也準夷之事前紀畧見梗槩茲不複紀紀
興師討回之由則以我將軍兆惠在伊犁時曾遣副
都統阿敏道往回議事小和卓木乃以計誘阿敏道
而拘之及我師抵庫車問罪彼携阿敏道以來援至
中途害之及從行者百人彼猶逞其狂悖抗我師顏
且敢冒死入庫車城乃雅爾噶善畧無紀律致彼出
入自由然我滿洲索倫衆兵士無不念國家之恩効
疆場之力故能以少勝衆逆渠懼而免脫此
天恩助順者三也知儲轅之無濟綸軒材之可任時將軍
兆惠以搜勸準夷餘黨至布魯特部落已歎服其衆
因命旋師定回部于是克庫車存沙雅爾定阿克蘇

畧烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者終四百餘猶能斬將奪旗退而築堡黑水固守以待此

天恩

助順者四也萬里之外抱水救火其曷能濟乃予以去年六月即降旨派兵撥馬欲以更易久在行間者耳故兵馬率早在途一饋進而各爭前恐後人人有敵讎之情此

天恩

助順者五也副將軍富德及叅贊舒赫德革率其師進援以速行戈壁中馬力復疲值狂回固險生候頗有難進之勢夫援軍不能進則固守以待者危矣而叅贊阿里衮驅後隊之馬適至夜擣賊營我師內外夾攻彼不知我軍凡有幾萬握炭流湯之徒自相蹂躪顧命不遑于是解黑水之圍鹿駭虜驚遁而保窟我之兩軍合隊全旅以迴阿克蘇此

天恩助順者六也既而彼料我必再入泰山之壓難當乃于我師未進之先攜其部落載其重器跳而遠去而葉爾奇木哈什哈爾二城之舊伯克等遂獻城以降恭贊明瑞一邀之于霍斯庫魯克付將軍富德再臨之于阿爾楚爾于是離心者面革前途者反旆二酋惟挈其妻孥及舊僕僅三百人入拔達克山境此

天恩助順者七也人跡不通之地語言不同之國既已雀毆寧不狼顧其投我與否固未可定也然一聞將軍之檄莫不援旗請奮整旅前遮遂得兌渠函首露布遙傳此

天恩助順者八也夷考西師之役非予夙願之圖何則實以國家幅員不為不廣屬國不為不多惟屢守成之志無希開創之名兼以承平日久人習于逸既無非常之人安能舉非常之事而建非常之功哉然而輟轉輻奏每以艱而獲易事若失而反得故自締始以速定功雖予自問亦將有可不解其故而不敢期其

必然者故曰非人力也

天也夫

天如是顯佑國家以

祖宗之敬

天受民蒙

眷顧者深也則我後世子孫共何以心

上蒼之心志

祖宗之志德繼繩子有永保丕基于無窮乎繫以銘曰二

酋背德始亂為賊是興王師報怨以直伊犛既平最

爾奚屑徐議耕闢徐議戍設以噢以咻伊予本懷豈

其弗戒圖彼藐回彼回不量怨臂當車戕我王臣助

彼狂狙始攻庫車倚轅敗事用入弗當至今為愧悖

逆罪重我武宣揚易將慙師直壓彼疆阿蘇烏什玉

隴和闐傳檄以定屬袒羊牽二酋逆深知不可活狼

狽相傾固守其穴桓桓我師周行萬里馬不遑焉強

弩末矣以四百人戰萬餘虜退猶能守黑水築堡間

信達都為之腸悼所幸後軍早行在道督勅速援人
同怒心曾不兩月賊境逼臨賊境逼臨彼復微隙馬繼
以進賊營夜斫出其不意賊乃大驚謂自天降孰敢
鋒櫻大韃大膊如虎搏兔按角隴種誰敢迴顧黑水
圍解合軍暫旋整旅三路期並進焉賊偵軍威信不
可支挈其妻孥遁投所依亦回豈不自謀豈伊
庇猿而受林憂利厥輜重無遺盡掠遣其都丸遂來
獻馘詎惟獻馘並以稱臣捧賁表章將詣都門奏凱
班師前歌後舞尸逐染鏑溫曷霧鼓露布至都正逮
初陽

慈寧稱慶亞歲迎祥

太廟告成諸典並舉皇皇太學豐碑再樹豈碑再樹敢喜
予功用不得已

天眷屢蒙始之以武終之以文戡亂惟義撫衆惟仁布惠

施恩寰宇共喜古不羈靡今為臣子彊聞二萬兵出
五年據定書事永矢乾乾

職官

伊犁

總統伊犁等處將軍

乾隆二十七年設統轄天山南北各新疆地方駐防官兵

遠調事務

叅贊大臣一員

乾隆二十五年設

印房司官二員 印房

筆帖式二員 糧餉處司官二員 糧餉處筆

帖式一員 駝馬處司官一員 駝馬處筆帖

式一員 卡倫侍衛十二員

以上俱自京調往三年更換

撫民理事同知一員

乾隆三十
五年設

管倉同知一員 廳官一員

以上由陝甘省
除派三年更換

惠遠城巡檢一員

乾隆三十
五年設

惠寧城巡檢一員

初駐綏寧城三
十七年移駐

領隊大臣六員

一員駐惠寧城五員駐惠遠城分
統駐防滿州蒙古錫伯索倫達呼

爾察哈爾額魯特
官兵游牧諸務

額設署理營務筆帖式十

員

滿洲蒙古營二員錫伯營二員索倫達呼爾
營二員察哈爾營二員額魯特營二員

分理惠遠城滿洲蒙古兵協領八員 佐領四十

員 防禦驍騎校各四十員

分理惠寧城滿洲蒙古兵協領四員

乾隆三十五年設三員尋

裁一員三十六

佐領十六員

乾隆三十五年設十三員尋添設一

年添設二員

員三十六年

防禦驍騎校各十六員

乾隆三十五年

設

分理錫伯兵總管一員 副總管一員 佐領八

員

乾隆三十年設六員三十二年添設二員驍騎校同

驍騎校八員

分理索倫達呼爾兵總管一員 副總管一員

佐領八員 驍騎校八員

分理察哈爾兵總管二員 副總管二員 佐領

十六員 乾隆二十八年設十二員三
十二年添設四員驍騎校同 驍騎校

十六員

分理額魯特兵總管二員 乾隆二十五年設一
員三十年添設一員

副總管三員 乾隆二十五年設一員三十
年三十七年各添設一員 佐

領二十員 乾隆二十五年設六員三十
年三十七年添設十四員 驍騎

校二十員 乾隆二十五年設六員三十
年三十七年添設十四員

總理回務一等台吉三品阿奇木伯克一員統理所屬

地方諸務 四品伊沙噶伯克一員協理所屬 五

品噶匝納齊伯克二員管理地畝糧賦 五品商伯克

二員管理糧賦 六品哈子伯克一員管理詞訟 六

品都官伯克一員管理遞送兵馬口糧文卷一切官物分攬差務 七

品密喇布伯克六員管理灌田水利 七品明伯克六

員管理徵輸千戶糧賦并一切雜務 七品什和勒伯克一員

管理驛館薪芻諸務 七品帖察沙布伯克一員管理巡緝提牢

諸務

七品玉資伯克一員

管理徵輸百戶糧賦并一切雜務自阿奇

木以下分職與回部同凡屯種回人悉歸管理

管理臺站屯政文武各員

即于駐防官員內派撥或由陝甘省調往兼理

水碾船廠等務無常員

庫爾喀喇烏蘇

辦事大臣一員

乾隆二十七年設

管理糧餉官一員

由陝甘省除派

塔爾巴噶台

叅贊大臣一員

領隊大臣一員

以上乾隆三十年設

印房章京四員 筆

帖式三員 卡倫侍衛六員 驍騎校二員

護軍叅領九員

以上自京調往三年更換

管理糧餉官一員

由陝甘省除派

管理額魯特兵總管一員 副總管一員 佐嶺

四員 驍騎校四員

以上乾隆四十二年自烏魯木齊移駐

附準噶爾部舊官制

台吉

準噶爾全境分四衛拉特各有首領名曰大台吉四衛拉特皆同而綽羅斯尤為之長共

台吉亦稱汗王餘小台吉皆汗王之宗屬為之大台吉官屬自圖什墨爾以下小台吉官屬自

宰桑以下其二十一昂吉境內別設台吉圖什居住以統領游牧謂之六游牧台吉焉

墨爾

係準噶爾參決政事之臣樞筦機務之要職凡六游牧二十一昂吉大小政務經事

桑辦事以告圖什墨爾詳悉定議上告台吉然後施行其員缺有四扎爾扈齊

什墨爾理事兼辦一切刑名賊盜案件員缺有六德墨齊內佐台吉以理家務外抽

收牧廠稅務差派征收山南回部徭賦接待布爾特使人其員缺有二宰桑

事務或一人或三四人德木齊管理鄂拓克內事務大小胥受成焉自一百戶以上

至二百
戶事務
牧楞額
佐德木齊
阿爾班呢阿哈
佐牧

辦理
事務
阿爾巴齊宰桑
承辦二十四鄂拓克二十

有
四阿爾巴齊
係隨宰桑各處催辦
庫圖齊納爾
承辦

大台吉一切蒙古色
及搭支帳房之屬
扎哈沁
防守邊界坐辦卡倫尋查訪察一切

事務
烏齊特
管銑匠鑄造器械
阿爾塔沁
司繪塑佛像
色

齊那爾
管理軍營餉項事務
色沁
專司碾磨者

閱展

辦事大臣一員
統理諸務其聽差各員于內地鎮營員弁內派撥無常員
印

房章京一員

乾隆二十六年設筆帖式一員後改設章京二員四十一年裁一員

正八品筆帖式一員

乾隆四十年設

委署筆帖式

六員

乾隆二十六年設十三員後遞裁七員

同知一員 巡檢一員

乾隆二十年設

管理駐防綠營都司一員

于陝西甘肅省派撥守備以下同

守

備一員 千總三員

把總五員 經制外委

八員

總理回務扎薩克郡王一員

總理回務圖撒拉克齊二員

都統一員

乾隆十九年設

副都統以下同

副都統二員

叅領二員

佐領十

五員 驍騎校十五員

分駐羅布淖爾五品伯克三員一六品伯克七員

哈刺沙爾

辦事大臣一員

乾隆二十四年設

印房筆帖式六員

乾隆

二十四年設二員後遞年增設

辦理糧餉官一員

乾隆二十四年設用同知通判以下由陝西甘肅省除派

管理屯政武職

自叅將遊擊以下由陝西甘肅省除派無常員

管理庫隴勒回民三品阿奇木伯克一員 四品

伊沙噶伯克一員 五品噶匝納齊伯克一員

五品商伯克一員 六品哈子伯克一員

七品明伯克一員 七品訥克布伯克一員

七品玉資伯克一員 六品伯克一員

專司查堂

七品伯克一員

專司採銅

管理玉古爾回民三品至七品伯克十員

與庫隴勒同

庫車

辦事大臣一員

乾隆三十四年設
兼轄沙雅爾

印房章京一員

乾隆三十四年設
員三十四年裁一員

筆帖式二員 委署筆

帖式三員

辦理糧餉官一員

乾隆二十四年設
以縣丞典史由陝西甘肅省除

派

管理駐防綠營都司一員 守備一員 千總一

員 把總一員 經制外委三員

管理回民三品阿奇木伯克至七品伯克十九員

分理沙野爾三品阿奇木伯克至七品伯克十一

員

烏什

叅贊大臣一員

舊駐副都統一員乾隆三十一年改設自阿克蘇移駐總理烏什阿

克蘇賽喇木

拜諸臣事務

領隊大臣一員

乾隆三十一年自喀什噶爾移駐

印房章京二員

乾隆三十一年設

筆帖式三員

舊設一員乾隆

三十一年

增二員

管理糧餉官一員

舊以典史管理乾隆三十一年改用部員

照料入

覲伯克之侍衛一員

管理卡倫侍衛十員

軍臺委署筆帖式十員

乾隆三十五年設二十員三十七年裁十員

管理駐防滿營協領一員 佐領二員 防禦二

員 驍騎校一員

以上乾隆三十一年設由烏齊木齊巴爾庫勒派撥

管理駐防綠營守備一員

乾隆二十六年設

把總六員

舊設二員乾隆三十一年增

四員由陝西甘肅省除派

經制外委六員

舊設二員乾隆三十一年增

四員由陝西甘肅省除派

管理屯政各員

自副將都司以下由陝西甘肅省派往五年更換無常員

管理回民五品阿奇木伯克至七品伯克四員

阿克蘇

管理駐防遊擊一員 經制外委一員

管理回民三品阿奇木伯克至七品伯克二十四

員

分理托來六品阿奇木伯克一員

分理喀勒喀勒六品阿奇木伯克至七品伯克五

員

分理雅爾巴什七品伯克二員

分理庫木巴什七品伯克二員

分理阿克雅爾七品伯克二員

分理哈喇塔勒七品伯克三員

分理哈爾噶額密什七品密喇布伯克一員

分理雅爾賽喇木七品明伯克一員

分理愛庫爾七品密喇布伯克一員

分理英額阿里克七品明伯克二員

分理伯什阿里克七品明伯克一員

分理赫色勒七品明伯克一員

賽喇木

管理駐防綠營遊擊一員

兼轄拜城乾隆二十四年駐侍衛一員二十八

年改駐翼長一員三十三年裁改設遊擊

經制外委一員

乾隆二十四年

設

管理卡倫侍衛一員 驍騎校一員

以上乾隆三十九年設

管理回民三品阿奇木伯克至七品伯克六員

分理拜城經制外委一員

分理拜城四品阿奇木伯克至七品伯克六員

喀什噶爾

辦事大臣一員

乾隆二十四年設參贊大臣一員總理各四城事務又領隊大臣一

員三十一年移駐烏什改設辦事大臣專理本處所屬諸務

協辦大臣一員

乾隆二十四年設

印房章京一員

舊以隨營官辦事無常員乾隆二十六年設定如額辦理回務章京

及筆帖式同

筆帖式二員

辦理回務章京一員 筆帖式一員

委署筆帖式六員

乾隆二十七年設

辦理糧餉官一員

舊以隨營官辦事無常員乾隆二十六年改設用同知通判由

陝西甘肅
省除派

聽差守卡侍衛十三員

乾隆二十六年派駐十五員三十五年移駐塔爾巴

喝台

二員

軍臺委署筆帖式一員

舊式三員乾隆三十七年裁二員

駐防滿營領隊官

乾隆二十四年設以副都統侍衛等官管理無常員

參

領二員 防禦一員 驍騎校三員

駐防綠營總管官一員

乾隆二十四年設初駐總兵一員三十三年改派副

將叅將等官遊擊一員

都司二員

分駐舊城一員

把總三員

經制外委六員

管理回民三品阿奇木伯克至七品明伯克十八員

分理牌祖阿巴特四品阿奇木伯克至七品明伯克各一員

分理塔什巴里克四品阿奇木伯克一員

分理阿斯騰阿喇圖什五品阿奇木伯克至七品明伯克三員

分理玉斯屯阿喇圖什六品阿奇木伯克至七品

明伯克三員

分理伯什克勒木五品阿奇木伯克至六品明伯

克二員

分理提斯袞五品密喇布伯克一員

分理阿喇古六品阿奇木伯克哈子伯克各二員

分理鄂坡勒六品阿奇木伯克一員

分理汗阿里克六品密喇布伯克至七品明伯克

三員

分理霍爾干六品密喇布伯克明伯克各一員

分理赫色勒布伊六品密喇布伯克一員

分理塞爾們六品密喇布伯克一員

分理托克庫爾薩克六品密喇布伯克一員

分理托璞魯克七品明伯克一員

分理岳普爾和七品明伯克一員

分理英噶薩爾四品阿奇木伯克至六品密喇布

伯克三員

總管英噶薩爾五處卡倫伯克一員

英噶薩爾屬賽喇克七品密喇布伯克一員

葉爾羌

辦事大臣一員

協辦大臣一員

兼理領隊事務乾隆二十六年設領隊大臣二員後裁

印房章京二員

初以隨營官辦事無常員乾隆二十六年設定加額筆帖式同

筆帖式三員

辦理糧餉官一員

乾隆二十六年設定用同知通判由陝西甘肅省除派嗣後由

本處補用無人則于
廢員內由京揀發

聽差坐卡侍衛十三員

乾隆二十六年定
十五員後裁二員

委署筆帖式二十員

管理駐防滿營佐領二員 驍騎校二員

舊于軍
營武職

內委駐無常員乾隆三十六年設定
如願由伊犁烏魯木齊等處派撥

管理駐防綠營副將一員

舊設總兵一員乾
隆三十三年改設

遊

擊一員 都司一員 千總三員 把總三員

經制外委九員

管理回民三品阿奇木伯克至六品賽特里伯克
十九員

分理托古斯恰特五品阿奇木伯克至六品明伯
克三員

分理哈爾噶里克五品阿奇木伯克至六品明伯
克四員

分理和什阿喇布五品阿奇木伯克一員

分理伯什恰特五品密喇布伯克一員

分理薩納珠五品阿奇木伯克一員

分理舒帖五品密喇布伯克六品明伯克各一員

分理裕勒阿里克六品阿奇木伯克一員

分理色勒克郭勒五品阿奇木伯克至七品巴匝

爾伯克七員

分理巴爾楚克六品阿奇木伯克一員

分理塔克布伊六品阿奇木伯克一員

分理坡斯恰木六品哈子伯克一員

分理喇巴特齊六品密喇布伯克一員

分理鄂湍楚魯克六品密喇布伯克一員

和闐

辦事兼領隊大臣二員

駐防綠營都司一員 千總一員 把總一員

經制外委二員

分理回民三品阿奇木伯克至七品什和勒伯克

十一員

分理額里齊五品噶匝納齊伯克至七品明伯克
六員

分理玉隴哈什四品阿奇木伯克至七品明伯克
七員

分理玉隴哈什屬境七品密喇布伯克七品明伯
克各二員

分理哈喇哈什四品阿奇木伯克至七品明伯克
十二員

分理齊爾拉四品阿奇木伯克至七品明伯克四

員

分理塔克四品阿奇木伯克六品哈子伯克各一

員

分理克勒底雅四品阿奇木伯克至七品明伯克

四員

附回部舊官制

阿奇木伯克

統理城村大小事務為諸伯克之官

伊沙噶伯克

協同阿奇

木辦理
庶務

噶匝納齊伯克商伯克

職司徵輸糧賦

哈子伯克

總理一切
刑名事務

密喇布伯克

職司水利疏濬灌溉之務

納克布伯克

管理匠役營
造諸公務

帕察沙布伯克

巡緝姦宄捕訪賊盜及提牢諸務

茂

特色布伯克

管理經典整勅教務不與民事

木特幹里伯克

職司售受

田園房產掌其質劑治
其爭訟兼收其稅入焉

匝布梯墨克塔布伯克

專司

教習經
管事務

克勒克雅喇克伯克

商賈貿易徵收其稅入者

斯怕哈

子伯克

辦理頭目詞訟

拉雅哈子伯克

辦理細民詞訟

巴濟吉爾

伯克

職理稅務

阿爾巴布伯克

管理派差催課事務猶內地之里正鄉長也

巴克瑪塔爾伯克

專司果園事

都官伯克

經理各處文移記檔一切

分撥官項事務

哈喇都官伯克

安設臺站修繕兵械

多博伯克

徵諭二千

戶糧賦

明伯克

分領回衆頭目職如千總

玉資伯克

徵輸百戶糧賦

鄂爾

沁伯克

徵輸數十人糧賦

哲博伯克

專司修造甲械

賽特里伯克

巡察街道園林果木諸務

什和勒伯克

職司驛館米芻雜務

都爾哈伯克

阿奇木首領官

巴匝爾伯克

管理市集細務

哈什伯克

承辦採玉事務

圖瓦爾伯克

辦理工程事務

鄂克他克奇伯克

掌宴會牲

封爵

都爾伯特屬

四衛拉特以綽羅斯為首茲以都爾伯特部之屬其歸誠向化最為

忠謹無比故以錫封之次為首序次及綽羅

斯和碩特釋特

土爾扈特焉

策凌初封和碩親王加雙俸晉封持古斯古魯克

汗卒子索諾木古木布襲封

策凌烏巴什初封多羅郡王晉封和碩親王

伯什阿噶什封和碩親王

納默庫初封郡王晉封和碩親王

策凌孟克初封多羅貝勒晉封多羅郡王卒子巴雅勒當襲封卒弟伯斯和勒襲封

色布騰封多羅貝勒加郡王品級卒子巴桑襲封多羅貝勒

巴圖博羅特封多羅貝勒

剛多爾濟封多羅貝勒

喇嘛扎布封多羅貝勒

根敦封固山貝子

洛壘原端封固山貝子

額爾得尼封固山貝子

班珠爾封固山貝子卒嗣子奇達襲封

布圖克森封固山貝子孟克特木爾封固山貝子

瑪什巴圖初封輔國公晉封固山貝子

烏巴什封固山貝子

達木巴都噶爾封固山貝子

巴圖孟克封輔國公

剛封輔國公

布顏特古斯封輔國公卒子塞楞襲封

孟克博羅特封輔國公

綽羅斯屬

噶爾藏多爾濟封綽羅斯汗為扎那噶爾布所殺

達瓦齊宥罪加封和碩親王卒長子羅布札降襲

多羅郡王以罪除次子富塔喜降襲多羅貝勒

諾爾布林沁封多羅郡王

瑪木特封三等公晉號信勇

又有扎那噶爾布封多羅貝勒布庫察封

輔國公尼瑪初授騎都尉世職封輔國公皆以叛誅碩爾雖音哈薩克錫喇初授騎都尉世職封輔國公尋以罪除薩拉爾封一等公晉號起勇以罪除後復封起勇伯卒子玉魯斯襲爵以

除罪

和碩特屬

班珠爾初封多羅郡王晉封和碩親王

尋以叛逆伏誅

公格封多羅貝勒卒子德勒克渥巴錫襲封

納噶札初封輔國公晉封固山貝子卒弟達克巴

降襲輔國公卒弟巴爾濟襲封

巴延楚克封固山貝子

色布騰封輔國公

諾爾布封輔國公卒子達瓦藏布襲封

諾爾布敦多克封輔國公

達瓦封輔國公卒弟巴雅拉呼襲封

初有沙克都爾曼濟封和

碩特汗圖們封多羅貝勒皆以罪誅諾爾布敦多布封多羅貝勒卒子博爾和津襲以罪除

輝特屬

札木參封多羅貝勒

和通額默根封輔國公卒子瑪瑪襲封

根敦札布封輔國公

古木札布封輔國公

布魯爾封輔國公

初有阿睦爾撒納封和碩親王加雙休護衛倍添子封世子以

叛除尋伏冥誅巴雅爾封輝特汗以叛誅齊木

庫爾初封多羅貝勒晉封郡王卒子策卜登多

爾濟襲以罪除普爾普封多羅貝勒德濟特克

什克皆封回山貝子巴桑封輔國公皆以罪除

土爾扈特屬

渥巴錫封土爾扈特卓里克圖汗卒子策凌納木
札爾襲封

策伯克多爾濟封和碩親王

舍楞封多羅郡王

巴木巴爾封多羅郡王卒子策楞德勒克襲封

謨們圖封多羅貝勒

旺丹封固山貝子

奇布坦封固山貝子

額墨根渥巴錫封固山貝子卒子公坦襲封

沙拉扣肯封固山貝子

拜濟呼封輔國公

哈密屬

額敏初封鎮國公晉封固山貝子

玉素富額敏子襲封鎮國公累封固山貝子多羅

貝勒多羅郡王

伊斯阿克玉素富子降襲多羅貝勒加封郡王品級

土爾番屬

額敏和卓初封鎮國公累封固山貝子多羅貝勒

多羅郡王

蘇賚滿額敏和卓子封輔國公

木薩額敏和卓次子封輔國公

木薩額敏和卓次子封輔國公

烏什諸城屬

霍集斯初授貝子品級尋封固山貝子累封多羅

貝勒多羅郡王

鄂對初授公品級尋封固山貝子加貝勒品級

霍什克伯克封輔國公

額色伊封輔國公

噶岱默特封輔國公

阿什默特封輔國公

又有莽噶里克封輔國公以叛誅漢咱怕爾霍集斯子封

輔國公
以罪除

名宦漢張騫

漢中人建元初為郎應募使西域至大宛大月氏大夏康居諸國並南山歸其

為天子言其地形所有拜大中大夫以從擊匈奴
功封博望侯後旋失侯因說天子通烏孫昆莫遣
公主為其夫人結昆弟以斷匈奴右臂拜中郎將
復使西域至烏孫分遣副使之帝大國焉與烏孫
使者數十人還拜為大行歲餘卒其副使往諸國
者頗與其人俱來西北國始通于漢焉鑿空諸後
使往者皆稱博望侯以為質于外國外國由是信
之復復益遣使出師擊破姑斯擄樓蘭王列亭障
至玉門而漢使窮河源河源出于閼其山多玉石
采來天子案古圖書名河所出山曰崑崙皆自焉
發之

傅介子 北地人以從軍為官初龜茲樓蘭王皆常殺漢使者盜取財物介子以駿

馬監使大宛詔令責樓蘭龜茲皆服罪從大宛還

匈奴使者龜茲介子率其吏士誅斬之拜中郎

遷平樂監大將軍霍光白遣介子往刺樓蘭王介

子至樓蘭將王入帳中屏語因刺殺之告諭其國

以王負漢罪天子遣我來誅王當更立前太子質
在漢者漢兵方至毋敢動動滅國矣遂將王首還

論功封常惠太原人宣帝時使烏孫烏孫公主及

昆彌因惠言請發五萬騎從漢擊匈

奴天子使惠護烏孫兵大克獲還封長羅侯復遣

惠持金璧賜烏孫貴人有功者惠奏請龜茲國常

殺校尉賴丹未伏誅請便道擊之因發西國東國

兵各二萬人烏孫兵七千人合攻龜茲龜茲謝罪

縛其貴人姑翼詣鄭吉會稽人為人疆執習外國

惠惠斬之而還鄭吉事自張騫通西域孝廣利

征伐之後初置校尉屯田宣帝時吉以侍郎屯渠

犁積穀因發諸國兵攻破車師還衛司馬使護鄯

善以西南道神爵中匈奴日逐王來降吉發兵迎

之將詣京師威震西域遂并護車師以西北道故

號都護都護之制自吉始焉封安遠侯吉于是中

西域而立莫府治烏壘城鎮撫諸國漢之號今班

西域者始于張騫成于鄭吉陳湯山陽瑕丘人遷西域都護校尉與騎都尉甘延壽俱出湯

沉勇有大慮多策謀喜奇功先是匈奴遣支單于西破呼揭堅昆丁令兼三國而都之款因辱漢使

者殺漢衛司馬谷吉西挾康居擊破烏孫日益驕倨湯矯制發城郭諸國兵戍已校尉屯田吏士勒

陳往攻之傳其城擊去康居兵斬郅支單于首得漢使節二及谷吉等所齎帛書以歸中書令石顯

丞相張衡抑其功宗正劉向上書訟段會宗邦人之選封延壽義成侯賜湯爵關內侯

克寧中為西域都護騎都尉西域叛其威信三歲更代還後數年西域諸國上書願得會宗陽朔中

得為都護更盡選以病免歲餘烏孫詣匈奴大亂會宗以左曹中郎將往使定其國而還元延中復

遣會宗發戍已校尉諸國兵即誅烏孫太子番邱會宗之精兵三十弩還至昆兩所在召番邱責以

罪手劍擊殺之小昆彌烏犁靡勒兵數千騎圍會
宗會宗與語號泣罷去遂賜爵闕內侯其後卒爰
賣擁衆欲害昆彌漢復遣會宗往安輯之逾年竟
以病卒烏孫中城郭諸國為發喪立祠焉

耿恭

扶風茂陵人少慷慨多大畧有將帥才永平
中為西域都護戍己校尉屯後王部全滿城

移檄烏孫諸國宣示漢威德皆遣使獻名馬願遣
子入侍恭乃發使迎其侍子匈奴左鹿蠡王攻全
滿城恭乘城薄戰以毒藥傅矢射之匈奴解去恭
以疏勒城旁有澗水可固引兵據之匈奴復來攻
擁絕澗水恭于城中穿井十五丈不得水仰歎曰
聞昔貳師將軍拔佩刀刺山飛泉湧出今漢德神
明豈有窮哉乃懸衣服向井再拜有頃水泉奔出
衆皆稱萬歲乃令吏士揚水以示寇遂引去其後
車師畔與匈奴共攻圍恭數月食盡窮困乃煮鎧
弩食其筋革與士卒推誠同死生故皆無二心而

欽定四庫全書

卷四百十四

稍見死亡單于更益兵攻之時肅宗即位遣將擊車師攻交河城車師降恭故吏范羗從山北迎恭因相隨俱進且戰且行三月至玉門以志節拜騎都尉班超扶風平陵人少平十六年竇固擊匈奴以超為假司馬將軍別擊伊吾多斬獲因遣超使西域至鄯善鄯善王廣奉超禮甚備後以有匈奴使者忽更踈懈超覺之志會其吏士三十六人夜奔匈奴使者營會大風走令十人持鼓伏舍後約見火擊鼓大呼餘悉持兵夾門而伏超乃順風縱火前後鼓噪擊斬其使及從士三十餘級餘衆悉燒死乃以使首示王廣曉告撫慰之遂納子為肩授軍司馬收撫西域降于關王廣德遣吏縛疏勒王兜題其後焉耆攻沒都護陳睦龜茲姑墨數攻畧疏勒超士吏單少肅宗即位徵超發還于關王以下抱超馬足使不得行乃更還疏勒捕斬反者擊破尉頭兵疏勒復定建

初三年攻姑墨石城破之五年擊破疏勒反者耆
辰因發疏勒于寔兵擊沙車明年沙車降自此威
震西域永元二年月氏來服明年龜茲姑墨溫宿
皆降乃以起為都護居龜茲它乾城六年大發衆
討焉耆尉犁危湏收其王廣汎等于陳睦故城斬
之傳首京師西域五十餘國悉皆納庸內屬封定
遠侯起在西域三十一班勇起子有父風永初元
年上疏乞遷至洛陽平班勇起子有父風永初元
司馬迎都護及甲卒而還因罷都護元初六年耿
煌太守曹宗請復取西域勇上議不可許宜復敦
煌郡營兵置什校尉居于敦煌復置長史屯樓蘭
延光二年以勇為西域長史屯柳中明年勇至樓
蘭鄯善歸附開示恩信龜茲王率姑墨溫宿並自縛
來降因發其兵擊走匈奴收復車師前部四年擊
破車師後部更為立王于是車師六國皆平復擊
走匈奴數萬餘衆城郭皆安後與敦煌太守張朗

討焉者王元孟張朗徵功
先進勇以後期徵還免官

裴行儉

絳州聞喜人累擢安西都

護西域諸國多慕義歸附儀鳳二年十姓可汗阿
史那都支及李遮旬誘蕃落以動安西詔行儉冊
送波斯王且為安撫大食使權以制事徑莫賀延
碛道迷餓乏行儉止營致祭行數百步水草豐美
後來者莫識其處衆以為神至西州揚言大熟未
可以進徐召四鎮約畋倍道至都支帳相去十里
因召都支詣營謁遂擒之並執諸部酋長送碎葉
城簡精騎襲遮旬遮旬降悉俘至京師將吏為刻
石碎葉城
侯君集
幽州三水人高昌不臣拜交河
以紀功
道行軍大總管次碛口進營柳
谷賊嬰城自守遣諭之不下乃刊木塞塹引糧車
毀其堞飛石如雨所向無敢當因拔其城進圍都
城高昌王降君集
阿史那社尒
突厥人處羅可汗
刻石紀功而還
次子以智勇聞貞

觀初內阿十四年以交河道行軍總管與郭五將
軍發缺勒十三部突厥騎十萬討龜茲入自焉耆
破之援都城追擒其主降者七十餘城刻石紀功
而還因說于闐王入朝孝恪在軍牀帷罷用多飾
金玉以貽社介不受帝聞而嘉
之卒陪葬昭陵治冢象葱山
王方翼并州祁人
裴行儉討

遮箇奏為副兼校檢安西都護方翼築碎葉城面
三門紆還多趣以說出入五旬畢西域胡縱觀莫

測其方畧志獻珍寶永淳初十姓阿史那車縛
叛圖弓月城方翼引兵戰伊麗河敗之俄而三姓

兵大至方翼次熱海進戰矢著臂引佩刀斷去左
右莫知三姓驚潰引兵遁去西域震服以功遷夏

州都督蘇烈字定方以字行奧州武邑人驍悍有氣
決從李靖討平突厥頡利擢伊麗道行

軍大總管討賀魯出金山北擊處木昆部破之侯
斤賴獨祿以衆萬帳降賀魯率兵十萬拒戰定方

兵少令部卒據高下稍外向自引勁奇陣北原賊
三突步陣不能入因其亂擊之斬首數萬級五弩
失畢舉衆降乘大雪追北縛賀魯以還由是修亭
障列蹊隧唐之州縣極于西海封邢國公高宗時
思詰闕俟斤都曼先鎮諸胡及疏勒朱俱波喝紫
陀諸國叛以定方為安撫大使討平之蔥嶺以西
遂薛仁貴絳州龍門人副鄭仁泰為缺勒道行軍
定薛仁貴總管時九姓衆十餘萬令驍騎數十來
挑戰仁貴發三矢輒殺三人賊氣懾皆降仁貴憲
為後患志坑之轉討磧北餘衆擒偽葉瓊兄弟三
人以歸軍中歌曰將軍三箭定天山壯士長歌入漢關
王孝及京兆新豐人
右鷹揚衛將軍孝傑居戎地久盡悉其人厓寔初
貞觀時設龜茲于闐疏勒碎葉為西域四鎮後沒
于吐蕃長壽元年孝及為武威總管討吐蕃盡復
故土復置安西都護府于龜茲遷左衛大將軍

欽定大清一統志卷四百十四


伊


易

圖

伊犁圖







伊犁屬表

西漢	伊犁
後漢	烏孫國地
三國	烏孫國地
晉	烏孫國地
北魏	烏孫國地
周	突厥
隋	突厥
唐	突厥
五代	突厥
宋	突厥
元	突厥
明	突厥

高車國地

石國

厥地

烏孫國
入於遠

阿爾穆阿衍拉特
葛爾司力
麻里今改今改正

從厥紀素
葛爾司力
入居焉嗚
鹿部府
突厥紀尼
施處半部

入居焉嗚
突厥紀尼
東部焉嗚
突厥紀尼
突厥紀尼
突厥紀尼

利施部

八唐為監

山都督府

突厥抱馬

臂鋤部

天應於力

通非誠居

之

西突厥及

奴亦達國

石圖